

SADRŽAJ:

UVOD.....	2
1. OČEKIVANI USLOVI ZA PRIVATIZACIJU U 2007.GODINI.....	3
2. PLAN PRIVATIZACIJSKIH AKTIVNOSTI U 2007. GODINI.....	4
2.1. Obuhvat privatizacijskih aktivnosti.....	4
2.2. Plan objave tendera.....	6
2.3. Plan prodaje dionica na berzi/tender.....	7
2.4. Plan privatizacije nakon restrukturiranja preduzeća	8
3. OSTALE PRIVATIZACIJSKE AKTIVNOSTI.....	9
4. PREDUZEĆA KOJA NISU OBUHVAĆENA PLANOM PRIVATIZACIJSKIH AKTIVNOSTI U 2007. GODINI	10
5. MALA PRIVATIZACIJA.....	12
6. PASIVNI PODBILANS.....	12
7. SPORNA IMOVINA/KAPITAL	13
8. PODRŠKA PROCESU PRIVATIZACIJE	14
8.1. Pravni poslovi.....	14
8.2. Obrazovanje i informiranje.....	15
8.3. Informatika.....	15
8.4. Kontrola ugovora.....	16
9. ZAJEDNIČKI POSLOVI	17
10. PRILOG: OBRAZLOŽENJE PLANA PRIVATIZACIJSKIH AKTIVNOSTI ZA 2007. GODINU.....	18

UVOD

Tranzicija državnog vlasništva u privatno, najvažniji je uslov za ukupnu ekonomsku tranziciju u BiH, koja, u konačnom, treba rezultirati prelaskom na tržišnu ekonomiju što je jedan od uslova za uključivanje BiH u euro-atlanske integracije.

Privatizacija treba rezultirati brojnim efektima, prije svega, podizanjem konkurentnosti preduzeća, povećanjem investicija, uvođenjem svjetskih standarda u proizvodnju, uključivanje u svjetsko tržište kapitala i rada, otklanjanje monopola, povećanje javnih prihoda, povećanje zaposlenosti i tako dalje.

Ekonomska tranzicija i tranzicija vlasništva je uslov za brojne društvene tranzicije.

Analiza dosadašnjih rezultata u privatizaciji, koja traje od 1999. godine, ukazuje da isti nisu na nivou očekivanja.

Na početku 2007. godine, u Federaciji Bosne i Hercegovine nije privatizirano više od 60 % državnog kapitala i preko 30% državnih preduzeća.

Primijenjeni metodi masovne privatizacije – JPD, entitetska privatizacija, uloga PIF – ova, itd, nisu rezultirali svim postavljenim ciljevima privatizacije. Zbog toga je u nekoliko posljednjih godina značaj dat tenderskoj prodaji.

Zbog niza objektivnih i subjektivnih razloga, u nekoliko posljednjih godina, proces je značajno usporen.

Posljednje izmjene privatizacijskih propisa, realizirane na kraju 2006. godine, predviđaju nove metode privatizacije, što će biti značajan poticaj ubrzanju procesa i boljim rezultatima u postprivatizacijskom periodu.

Ovim bi se ostvarili postavljeni ciljevi privatizacije uz uvažavanje osnovnih principa na kojima se temelji koncept privatizacije u Federaciji Bosne i Hercegovine (javnost, konkurentnost i pravičnost).

U skladu sa ovim ciljevima i principima, postavljeni su planovi privatizacije i programi rada Agencije za privatizaciju u 2007. godini.

1. OČEKIVANI USLOVI ZA PRIVATIZACIJU U 2007. GODINI

Ocjena je da će dosadašnji limitirajući uslovi za privatizaciju u 2007. godini biti manje izraženi i da je realno očekivanje da će doći do ubrzanja procesa privatizacije.

Ovdje se, prije svega, misli na Zakon o izmjenama i dopunama Zakona o privatizaciji preduzeća („Službene novine Federacije“ BiH“, br. 42/06), kojim se omogućava:

- restrukturiranje preduzeća podjelom na tehnoekonomske cjeline i tenderska prodaja cjelina.
- mogućnost da Vlada Federacije BiH sporazumno riješi vlasničku strukturu kapitala preduzeća u svrhu privatizacije i dokapitalizacije.
- prodaju državnog kapitala prodajom državnih dionica putem berze.
- privatizaciju kroz konverziju duga u kapital bez dosadašnjih ograničenja uključivo i potraživanje povjerilaca i radnika.
- učešće nadležnih agencija u procesu dokapitalizacije i promjeni strukture kapitala formiranjem zajedničkih firmi sa domaćim i stranim ulagačima.
- zakonska mogućnost da nadležne agencije određuju metod privatizacije preduzeća iz svoje nadležnosti.
- donošenje posebnih propisa za privatizaciju preduzeća iz člana 3. Zakona o privatizaciji preduzeća

Realno je očekivanje da će Vlada FBiH intenzivirati izradu sektorskih politika i strategija u privatizaciji javnog, infrastrukturnog i komunalnog sektora u skladu sa članom 3. Zakona o privatizaciji poduzeća („Službene novine FBiH“ br. 27/97, 8/99, 32/00, 45/00, 54/00, 61/01, 27/02, 33/02, 28/04, 44/04 i 42/06).

Ocjena je da će i ostali limitirajući faktori, koji utiču na privatizaciju, biti manje izraženi u 2007. godini a prije svega:

- podijeljenost ekonomskog prostora BiH
- pravna nesigurnost za strane investitore
- destimulirajuća poreska i fiskalna politika
- socijalne tenzije i odsustvo državne socijalne politike, posebno u slučajevima prouzrokovanim privatizacijom
- neefikasnost uprave na svim nivoima vlasti, administrativne barijere i sporost u odlučivanju.

Pomoć u pripremi i prodaji, realizirana u ranijem periodu preko IAGP grupe, a u 2005. i 2006. godini kroz tehničku pomoć u privatizaciji (Projekat PTAC) finansiran iz kredita Svjetske banke, neće biti dostupna u 2007 godini.

Postoji mogućnost redizajniranja projekta PTAC od strane Svjetske banke, vjerovatno pred kraj 2007. godine.

S obzirom na značaj kompanija i raznovrsnost metoda privatizacije predviđenih planom APF-a za 2007. godinu, APF će za svaku objavu tražiti saglasnost Vlade FBiH i o rezultatima podnositi izvještaj.

2. PLAN PRIVATIZACIJSKIH AKTIVNOSTI U 2007. GODINI

2.1. Obuhvat privatizacijskih aktivnosti

Na osnovu prethodnog, definišu se osnovne privatizacijske aktivnosti Agencije za privatizaciju u Federaciji Bosne i Hercegovine i to:

- Prodaja državnog kapitala metodom javnog prikupljanja ponuda (tender) po uslovima velike privatizacije. Ova metoda privatizacije ostvaruje najviše ciljeva kojima treba rezultirati tranzicija vlasništva (investicije, zapošljavanje, konkurentnost i sl.) S obzirom na ovo i prirodu preostalih firmi, ova metoda prodaje u 2007. godini treba zadržati primat.

Ukoliko ekonomska politika Vlade Federacije Bosne i Hercegovine bude opredijeljena za prodaju državnog kapitala preduzeća iz člana 3. Zakona o privatizaciji preduzeća, moguća je aktivnosti tenderske prodaje proširiti i na ovu grupu preduzeća.

- Restrukturiranje preduzeća podjelom na tehnoekonomske cjeline je, u velikom broju slučajeva, preduslov za privatizaciju.

Stoga će, plan APF-a za 2007. godinu sadržavati aktivnosti na izradi planova restrukturiranja i prodaje tehnoekonomskih cjelina, u znatnom obimu.

S obzirom na brojne procedure i specifičnosti kod izrade planova podjele i multipliciranje aktivnosti na pripremi i prodaji tehnoekonomskih cjelina, ne može se predvidjeti stepen realizacije privatizacije po ovom postupku.

- Privatizacija preduzeća prodajom državnih dionica na berzi je metod koji značajno može ubrzati proces privatizacije. Ovakva privatizacija, u nekim slučajevima, je opravdana i omogućava višestruko veće cjenovne efekte od drugih metoda.

U svim slučajevima, za koje su analize pokazale opravdanost, predložen je ovakav metod prodaje državnog kapitala.

Planom je predviđena prodaja državnog kapitala ovom metodom samo za slučajeve kada je državni kapital ispod 50% od ukupnog kapitala.

Nije isključena mogućnost, da se u toku 2007. godine, donese odluka o prodaji kapitala ovom metodom i u slučajevima kada je državni kapital preko 51 % od ukupnog kapitala preduzeća.

- Promjena strukture vlasništva kroz proces dokapitalizacije ulaganjem u zajedničko preduzeće, uz saglasnost Vlade FBiH, prelazi u nadležnost agencija za privatizaciju, pa su i predmet planiranja u 2007. godini. Za sada je izražen interes strateškog ulagača u preduzeće „Air Bosna“ d.d. Sarajevo. Pretpostavka je da će ova aktivnost u 2007. godini biti značajnija.

- Dokapitalizacija ulaganjem u postojeće preduzeće i dokapitalizacija pretvaranjem duga preduzeća u dionice, prema novim zakonskim rješenjima, uz saglasnost Vlade FBiH, prelazi u nadležnost agencija za privatizaciju i bit će moguća u 2007. godini nakon izrade i usvajanja podzakonskih akata koje regulišu ovu oblast.

Ove aktivnosti nije moguće kvantificirati ali je sigurno da će biti zastupljene u 2007. godini.

- APF planira učešće u definiranju politike, strategija i akcionih planova za privatizaciju preduzeća iz sektora energetike, komunikacija, javnog i komunalnog sektora. Ove aktivnosti su preduslov za privatizaciju preduzeća iz ovih sektora. Nosilac aktivnosti trebaju biti nadležna ministarstva uz punu saradnju i stručnu pomoć APF-a.
- Postupak prodaje imovine, udjela i kapitala preduzeća po uslovima male privatizacije bit će intenziviran u 2007. godini.
Ova metoda privatizacije dobit će na značaju u kombinaciji sa privatizacijom tehnoeкономskih cjelina preduzeća koja se restrukturiraju.
- Koordiniranje i praćenje aktivnosti kantonalnih agencija za privatizaciju u 2007. godini treba biti intenzivirana zbog uloge APF-a u nadzoru i koordinaciji privatizacijskih aktivnosti veterinarskih stanica, elektronskih medija i komunalnih poduzeća.
- Rješavanje vlasničke strukture u preduzećima sa spornom i dvojno iskazanom imovinom, kapitalom i obavezama.
- Aktivnosti vezane za obaveze, stvari i prava iz pasivnog podbilansa.
- Aktivnosti vezane za kontrolu kupoprodajnih ugovora.
- Izrada i usvajanje korigiranih programa privatizacije i početnih bilansa stanja je potreban posao koji APF treba kontinuirano raditi u toku 2007. godine, radi značajnih promjena na kapitalu preduzeća od usvajanja programa privatizacije i početnih bilansa stanja.
- ***Plan privatizacijskih aktivnosti APF-a u 2007. godini, po preduzećima, dat je u slijedećim pregledima, razvrstan po aktivnostima:
objava tendera - 8; prodaja dionica putem berze - 4; restrukturiranje preduzeća u svrhu privatizacije - 4; ostale privatizacijske aktivnosti koje podrazumijevaju pripreme preduzeća za privatizaciju, učešće u definiranju strategija privatizacije preduzeća strateških sektora, dokapitalizacije, te nadzor i koordinacija aktivnosti kantonalnih agencija za privatizaciju - 11; preduzeća koja nisu obuhvaćena planom privatizacijskih aktivnosti - 16.***

2. 2. PREGLED PRIVATIZACIJSKIH AKTIVNOSTI APF-a U 2007. GODINI (*)

A) Plan objave tendera

<i>R.b.</i>	<i>Preduzeće</i>	<i>Ukupan kapital</i>	<i>Državni kapital (%)</i>	<i>Privatizacijske aktivnosti</i>
1.	“Energoinvest” d.d. Sarajevo	220.742.540,00	147.897.502,00 (67,00)	<i>Javni poziv otvoren do 5.12.2006. godine. U 2007. godini predstoje aktivnosti na prikupljanju i obradi ponuda i ugovaranje kupoprodaje. Okončanje kupoprodaje – II kvartal 2007. godine.</i>
2.	“Hidrogradnja” d.d. Sarajevo	70.756.714,00	47.406.998,00 (67,00)	<i>Javni poziv objavljen 13.10.2006. godine. U 2007. godini predstoje aktivnosti na prikupljanju i obradi ponuda i ugovaranje kupoprodaje. Moguće produženje roka za prijavu. Okončanje kupoprodaje – II kvartal 2007. godine.</i>
3.	„Aluminij“ d.d. Mostar	170.786.051	75.145.862 (44,00)	<i>Planira se priprema za prodaju i objavu tendera za 88% kapitala preduzeća od čega je 44% državni kapital do kraja 2006. godine. U 2007. godini predstoje aktivnosti na prikupljanju i obradi ponuda i ugovaranju kupoprodaje. Okončanje kupoprodaje, II kvartal 2007. godina.</i>
4.	„UNIS-udružena metalna industrija“ d.d. Sarajevo	48.377.383	32.413.734 (67,00)	<i>Potrebno donijeti odluku Upravnog odbora o odobravanju korigovanog Programa privatizacije i Početnog bilansa stanja i prodaju metodom neposredne pogodbe . Moguća prodaja udjela po uslovima male privatizacije. Objava tendera - II kvartal 2007 godine.</i>
5.	„Fabrika duhana Mostar“ d.d. Mostar“	19.038.250	12.755.628 (67,00)	<i>Vode se aktivnosti na dokapitalizaciji. Ukoliko dokapitalizacija ne bude realizovana slijedi: - usvajanje korigovanog Početnog bilansa prema finansijskom stanju na dan 31.12.2006. godine. -objava tendera – I kvartal 2007. godine.</i>

6.	„Soda-so holding“ d.d. Tuzla	8.828.424	7.165.767 (81,16)	Izrada i usvajanje korigovanog Programa privatizacije i Početnog bilansa stanja Objava tendera – III kvartal 2007. godine.
7.	Tvornica kartona i ambalaže „TKA“ d.o.o. Cazin	4.904.758,09	4.904.878,00 (100)	Prodaja ostatka imovine do septembra 2007. godine Pokretanje postupka likvidacije –IV kvartal 2007. godine.
8.	„Šipad export-import“ d.d.Sarajevo	12.622.256,00	8.456.912,00 (67)	Izrada korigovanog Programa privatizacije i Početnog bilansa stanja i revidiranih finansijskih izvještaja. Preduzeće se nalazi u teškoj finansijskoj situaciji. Dokumentacija izuzeta od strane SIPE.Vodi se sudski spor oko Luke Šibenik.

(*) Planirani metod privatizacije može biti promjenjen u skladu sa odlukama nadležnih organa.

B) Plan prodaje dionica na berzi/tender

R.b.	Preduzeće	Ukupan kapital	Državni kapital (%)	Privatizacijske aktivnosti
9.	„Sarajevo –osiguranje“ d.d. Sarajevo	45.940.602	20.896.618 (45,49)	Urađena analiza opravdanosti prodaje različitim metodama. Ekonomski opravdana prodaja državnog kapitala prodajom dionica putem berze. Donošenje odluke Vlade FBiH, zavisno od nje, prodaja dionica putem berze ili tenderska prodaja u II kvartalu 2007. godine.
10.	„Fabrika duhana Sarajevo“ d.d. Sarajevo	103.747.370	41.401.223 (39,91)	Vode se aktivnosti na dokap.FDM Ukoliko dokapit. ne bude realizovana, donošenje odluke Vlade FBiH. Zavisno od odluke Vlade FBiH prodaja dionica preko berze ili tenderska prodaja u II kvartalu 2007. godine
11.	„Interšped“ d.d Sarajevo	11.250.581	1.891.857 (12,07)	Prodaja dionica putem berze započeta krajem 2006. godine. Prodaja dionica će biti realizovana u I kvartalu 2007. godine.
12.	„Bosnalijek“ d.d. Sarajevo	58.432.760	16.884.000 (28,90)	Vode se aktivnosti na zamjeni duga FBiH prema Libijskoj Džamahiriji za državne dionice u ovom preduzeću. Zavisno od odluke Vlade FBiH moguća je prodaja preostalih državnih dionica putem berze u IV kvartalu 2007. godine.

C) Plan privatizacije nakon restrukturiranja preduzeća

<i>R.b.</i>	<i>Preduzeće</i>	<i>Ukupan kapital</i>	<i>Državni kapital (%)</i>	<i>Privatizacijske aktivnosti</i>
13.	IP „Krivaja“ d.o.o. Zavidovići	226.959.400	226.959.400 (100,00)	<i>Izrada plana podjele preduzeća u januaru 2007. godine. Izrada PP i PBS tehnoekonomskih cjelina. Objava javnih poziva za prodaju pripremljenih tehnoekonomskih cjelina u toku 2007. godine.</i>
14.	„Hepok“ d.d. Mostar	18.796.074	12.593.370 (67,00)	<i>Izrada plana podjele preduzeća u martu 2007. godine. Izrada PP i PBS tehnoekonomskih cjelina. Objava javnih poziva za prodaju pripremljenih tehnoekonomskih cjelina u toku 2007. godine.</i>
15.	„KTK“ d.d. Visoko	103.979.419	69.629.267 (67,00)	<i>Izrada plana podjele preduzeća u februaru 2007. godine. Izrada PP i PBS tehnoekonomskih cjelina. Objava javnih poziva za prodaju pripremljenih tehnoekonomskih cjelina u toku 2007. godine.</i>
16.	„Željezara Zenica“ d.o.o. Zenica	103.114.199	103.114.199 (100,00)	<i>Izrada plana podjele preduzeća u maju 2007. godine. Izrada PP i PBS tehnoekonomskih cjelina. Objava javnih poziva za prodaju pripremljenih tehnoekonomskih cjelina u toku 2007. godine.</i>

3. OSTALE PRIVATIZACIJSKE AKTIVNOSTI

1.	„HT“ d.o.o. Mostar	<i>Izrada i usvajanje PP i PBS. Izdavanje Rješenja o odobravanju upisa izvršene privatizacije u sudski registar. Zavisno od opredjeljenosti nadležnih organa pristupit će se pripremi za prodaju 50,1% državnog kapitala u IV kvartalu 2007. godine</i>
2.	„BH Telecom“ d.d. Sarajevo	<i>Ovisno o opredjeljenosti nadležnih organa pristupit će se usvajanju korigovanog PP i PBS i pripremi za objavu tendera za prodaju državnog kapitala.</i>
3.	„Vitezit“ d.d. Vitez	<i>Uz angažman i finansiranje od strane APF-a potrebno uraditi: -reviziju finansijskih izvještaja -reviziju vlasničke strukture u udjelima -izradu PP i PBS preduzeća Moguća prodaja udjela preduzeća u drugoj polovini 2007. godine</i>
4.	„Air Bosna“ d.d. Sarajevo	<i>Postoji iskazan interes stranog ulagača za ulaganje u preduzeće. U skladu sa Uredbom o pravilima promjene strukture kapitala preduzeća po osnovu zajedničkog ulaganja, APF se uključuje do zaključenja ugovora o osnivanju zajedničkog preduzeća</i>
5.	Veterinarske stanice	<i>Izrađena strategija i pravila privatizacije veterinarskih stanica u FBiH. Aktivnosti na izradi registra VS u toku januara 2007. godine. Koordinacija i upravljanje procesom prodaje od strane APF-a u toku 2007. godine.</i>
6.	Elektronski mediji	<i>Privatizaciju elektronskih medija provodit će kantonalne agencije. APF će uz osiguranje preduslova za prodaju vršiti koordinaciju i registar prodaje.</i>
7.	Komunalna preduzeća	<i>Privatizaciju komunalnih preduzeća provodit će kantonalne agencije. APF će uz osiguranje preduslova za prodaju vršiti koordinaciju i osigurati izradu studije prodaje.</i>
8.*	HUTP „Salus Hotel Stella“ d.o.o. Neum	<i>Postupak skidanja hipoteke Union banke d.d. Sarajevo sa imovine preduzeća. U saradnji sa resornim ministarstvom voditi aktivnosti na ubrzanju rješavanja sudskog spora koji se vodi na Općinskom sudu u Čapljini po tužbi „Polihem“ d.d. Tuzla, u stečaju kojim se traži pravo vlasništva nad objektom „Stella“</i>
9.*	HTP „Sunčana obala“ Neum	<i>Izbor neovisnog revizora za utvrđivanje strukture kapitala sa pravnog, knjigovodstvenog i finansijskog aspekta za period od osnivanja do 31.12.2006. godine, I kvartal 2007.godine. Konačno revizorsko mišljenje II kvartal 2007. godine. Izrada PP i PBS III kvartal 2007.godine.</i>
10.*	„Zenit-Bro“ d.o.o. Neum	<i>U skladu sa zaključkom Vlade FBiH, a u saradnji sa resornim ministarstvom voditi aktivnosti na rješavanju sudskog spora koji je pokrenula „Željezara“ d.o.o. Zenica kod Općinskog suda u Čapljini radi vraćanja u posjed hotela „Zenit“ u Neumu.</i>
11.	„Aida“ d.d. Tuzla	<i>Posljednji finansijski izvještaj preduzeća ukazuju na značajan gubitak preko visine kapitala. S obzirom na ovo ali i mogućnost podjele preduzeća na tehnoekonomske cjeline, razmotriti sve mogućnosti za ovu aktivnost ili formiranje zajedničke firme sa ulagačima.</i>

(* Preduzeća sa spornom i dvojno iskazanom imovinom)

4. PREDUZEĆA KOJA NISU OBUHVAĆENA PLANOM PRIVATIZACIJSKIH AKTIVNOSTI U 2007. GODINI

1.	AFIP Mostar	<i>Metod privatizacije će se utvrditi nakon uknjižavanja svih nekretnina koje su joj dodijeljene Odlukom Upravnog odbora Zavoda za platni promet FBiH, o dodjeli aktive Zavoda agencijama sa sjedištem u Sarajevu i Mostaru.</i>
2.	AFIP Sarajevo	<i>Metod privatizacije će se utvrditi nakon uknjižavanja svih nekretnina koje su joj dodijeljene Odlukom Upravnog odbora Zavoda za platni promet FBiH, o dodjeli aktive Zavoda agencijama sa sjedištem u Sarajevu i Mostaru.</i>
3.	Fabrika sode Lukavac	<i>Preduzeće je u 2006. godini realizovalo zajedničku firmu sa Turskom kompanijom Sisecam, Chemicals Busines. Imovina preduzeća je uglavnom udio u zajedničkoj firmi. Gubitak preduzeća je znatno iznad visine kapitala</i>
4.	JP Elektroprivreda Hrvatske zajednice Herceg Bosna d.o.o. Mostar	<i>Nije definisana strategija privatizacije elektroenergetskog sektora. Izrada strategije je u nadležnosti Ministarstva energije, rudarstva i industrije FBiH</i>
5.	JP Elektroprivreda Bosne i Hercegovine Sarajevo	<i>Nije definisana strategija privatizacije elektroenergetskog sektora i predviđeno je restrukturiranje. Izrada strategije je u nadležnosti Ministarstva energije, rudarstva i industrije FBiH.</i>
6.	Koksno-hemijski kombinat Lukavac	<i>Formirana je zajednička kompanija sa firmom Global infrastructure holdings ltd, koja posluje u sastavu Ispat Grup. Imovinu firme čini uglavnom udio u zajedničkoj firmi koji se prodaje u skladu sa ugovorom o formiranju zajedničke firme sa Global infrastructure holdings ltd, koja posluje u sastavu Ispat Grup.</i>
7.	Natron d.d. Maglaj	<i>U toku 2005. godine formirana je zajednička firma sa Turskim kompanijom Kastamonu. Imovinu firme čini uglavnom udio u zajedničkoj firmi koji se prodaje u skladu sa ugovorom o formiranju zajedničke firme sa turskim partnerom.</i>

8.	Pan papirna industrija Čitluk	<i>Vodi se upravni spor pred Vrhovnim sudom BiH po tužbi Pan Papirna industrija Čitluk protiv Rješenja Federalnog ministarstva energetike, industrije i rudarstva Vlade FBiH kojim je potvrđen Zaključak APF od 15.09.2004. godine.</i>
9.	Petrol Ljubuški	<i>Donešen je Zaključak o pozicioniranju sporne imovine u preduzeću Petrol Ljubuški. Potrebna je revizija vlasničke strukture.</i>
10.	Tvornica transportnih uređaja Tuzla	<i>Prema posljednjim podacima koji su dostavljeni APF-u, kompanija ima veće obaveze od imovine tj. kapital je „negativan“. Stečaj je najvjerovatnija varijanta privatizacije ove kompanije.</i>
11.	Vodno područje slivova Jadranskog mora, Mostar	<i>Metod privatizacije će se naknadno utvrditi, ako resorno ministarstvo odluči da će se ovo preduzeće privatizirati.</i>
12.	Vodno područje slivova rijeke Save	<i>Metod privatizacije će se naknadno utvrditi, ako resorno ministarstvo odluči da će se ovo preduzeće privatizirati.</i>
13.	Željeznice Federacije Bosne i Hercegovine, Sarajevo	<i>Aktiviranje strategije privatizacije od strane nadležnog ministarstva kao i problem odvajanja infrastrukture od operatora.</i>
14.	Međunarodni aerodrom Sarajevo	<i>Nije donešena strategija privatizacije zračnog prometa od strane nadležnog ministarstva i Vlade FBiH, te je isto izuzeto iz privatizacije.</i>
15.	Aerodrom Tuzla	<i>Nije donešena strategija privatizacije zračnog prometa od strane nadležnog ministarstva i Vlade FBiH, te je isto izuzeto iz privatizacije.</i>
16.	Aerodrom-Zračna luka Mostar	<i>Nije donešena strategija privatizacije zračnog prometa od strane nadležnog ministarstva i Vlade FBiH, te je isto izuzeto iz privatizacije.</i>

5. MALA PRIVATIZACIJA

U 2007. godini planiran je nastavak prodaje u postupku male privatizacije na osnovu člana 26. stav 1. tačka 2. i 3. Zakona o privatizaciji preduzeća i Odluke Upravnog odbora Agencije za privatizaciju u Federaciji BiH o neposrednoj pripremi male privatizacije. Njima se definišu obaveze preduzeća da privatiziraju dijelove preduzeća ili imovinu preduzeća čija je pretežna djelatnost trgovina, ugostiteljstvo, usluge ili cestovni prevoz, odnosno dijelove ili imovinu preduzeća koji nisu uvjet obavljanja njihove osnovne djelatnosti ili se ne koriste.

Strategija Agencije za privatizaciju u Federaciji BiH za 2007. godinu je, podržati implementaciju male privatizacije. Agencija planira nastaviti sa prodajom imovine, dionica i udjela preduzeća u postupku male privatizacije. Ovom aktivnošću se vrši konsolidacija preduzeća kroz rješavanje viška uposlenika i smanjenje obaveza.

Već postoji iskazan interes Krivaje, Elektroprivrede HZ HB, Željeznica Federacije BiH, Željezara Zenica, KTK Visoko, RMU Kakanj, RMU Breza, RMU Zenica, Šipad Export-Import i drugih za nastavak prodaje imovine neprivatiziranih preduzeća. S tim u vezi, Agencija će insistirati i kod drugih preduzeća obuhvaćenih Planom za 2007. godinu da identifikuju predmete prodaje.

6. PASIVNI PODBILANS

Prilikom planiranja aktivnosti vezanih za pasivni podbilans planirane su sljedeće aktivnosti:

- identifikovanje i evidentiranje obaveza, stvari i prava sa pripadajućim kapitalom iz pasivnog podbilansa preduzeća iz člana 1. Zakona o privatizaciji preduzeća, koja nisu bila uključena u aktivni podbilans, ili nisu iskazana u pasivnom podbilansu, a koja se nalaze na teritoriju drugih država,
- imenovanje radnih tijela (komisija) koja će vršiti istraživanja i evidentiranja neiskazanih predmeta iz pasivnog podbilansa,
- u saradnji sa Vladom Federacije BiH a na osnovu definisanih kriterija, agažovanje na prenosu i raspodjeli sredstava naplaćenih po osnovu pasivnog podbilansa preduzeća,
- poduzimanje aktivnosti na sprečavanju zastare potraživanja iz pasivnog podbilansa,
- pokretanje inicijativa kod nadležnih institucija za izmjenu i dopunu propisa koji regulišu oblast pasivnog podbilansa,
- kontinuirano dopunjavanje i vođenje Centralnog registra za stvari, prava, obaveze iz pasivnog podbilansa u Federaciji BiH,
- kompletiranje dokumentacione osnove predmeta pasivnog podbilnsa, prenos vlasništva na državu te uknjižba odnosno naplata potraživanja,
- poslovi sumiranja obaveza i svođenje na stvarno stanje,
- saradnja Agencije i Direkcije za privatizaciju RS o pravima i imovini koji su relevantni za primjenu Aneksa G,

- stalna saradnja sa KAP-ovima oko prikupljanja dokumentacione osnove za stvari, prava i obaveze iz pasivnog podbilansa,
- izrada izvještaja na osnovu pravne i ekonomske analize prikupljenih podataka u cilju definisanja osnove za poduzimanje ostalih odgovarajućih aktivnosti za nadležne institucije i organe Federacije BiH,
- koordinacija sa nadležnim tijelima i institucijama oko prodaje/naplate stvari i prava iz pasivnog podbilansa,
- stalna saradnja sa državnim organima koji moraju biti uključeni u ovaj proces: Vijeće ministara BiH, Ministarstvo finansija i trezora BiH – Sektor za sukcesiju, Centralna banka, Vlada FBiH, Federalno ministarstvo energije, rudarstva i industrije, Direkcija za vojnu industriju, Federalno ministarstvo finansija, Vlada RS, Direkcija za sukcesiju RS, pravobranilaštva svih nivoa državne organizacije, kantonalne agencije za privatizaciju, Agencija za bankarstvo, Federalno tužilaštvo i eventualno OHR,
- učešće u pregovorima sa SDPR-om/Yugoimportom, Đuro Đaković Slavonski Brod kao najvećih dužnika radi naplate potraživanja stvari, prava i obaveza iz pasivnog podbilansa preduzeća iz namjenske i nenamjenske industrije,
- Iznalaženje mogućnosti uvezivanja dužnika i povjerilaca radi sklapanja ugovora o cesiji,
- Poslovi informisanja privrednih društava i javnosti o pasivnom podbilansu.

7. SPORNA IMOVINA/KAPITAL

Prioritet u planiranju aktivnosti je postizanje sporazuma i utvrđivanje vlasničke strukture preostalih preduzeća sa liste „spornih preduzeća“, te objava javnih poziva i prodaja državnog kapitala kod preduzeća kod kojih je riješena vlasnička struktura kapitala.

Za preduzeća sa spornom imovinom/kapitalom: “Petrol” Ljubuški, “Pan Papirna Industrija” Čitluk planirane su slijedeće aktivnosti:

- po potrebi postizanje sporazuma između zainteresiranih strana,
- izdavanje zaključka kojim se nalaže poduzimanje radnji u skladu sa Pravilnikom,
- rješavanje po žalbama na zaključak,
- odabir revizora za utvrđivanje iznosa i strukture kapitala,
- saradnja sa preduzećima za koja je urađena revizija, a u cilju pripreme PP i PBS,
- odobravanje PP i PBS,
- objava javnog poziva za prodaju državnog kapitala

Po okončanju sudskog spora koji se vodi između Željezare Zenica i HTP Zenit Neum planirana je revizije vlasničke strukture u preduzeću HTP Zenit Bro Neum , te nakon toga shodno privatizacijskim propisima usvojiti program i početni bilans za privatizaciju HTP Zenit Neum od strane Agencije. Nakon toga će se pristupiti objavi javnog poziva.

8. PODRŠKA PROCESU PRIVATIZACIJE

U 2007. godini težište rada na podršci procesu privatizacije bit će usmjereno na izvršavanju pravnih poslova, poslova vezanih za obrazovanje i informiranje, informatičkih poslova, poslova kontrole ugovorom preuzetih obaveza a koji predstavljaju kontinuitet iz prethodnih godina:

8.1. Pravni poslovi

- Izrada pravilnika i drugih provedbenih akata, izmjena i dopuna, usklađivanje, ažuriranje i izrada prečišćenih tekstova pravilnika i drugih provedbenih propisa iz oblasti privatizacije koji su u nadležnosti Upravnog odbora Agencije za privatizaciju u Federaciji Bosne i Hercegovine;
- Poseban akcenat i prioritet posvetiti usaglašavanju postojećih provedbenih propisa sa Zakonom o izmjenama i dopunama Zakona o privatizaciji preduzeća, Zakonom o izmjenama i dopunama Zakona o početnom bilansu stanja preduzeća i banaka i zakonima i drugim propisima koji su u toku ili se očekuje njihovo donošenje u narednoj godini (zakon o kontroli privatizacije, zakon o finansijskom restrukturiranju privrednih subjekata sa učešćem državnog kapitala koji su predmet privatizacije, zakon od restituciji, zakon o koncesijama i dr.);
- Aktivno sudjelovanje u predlaganju izmjena propisa iz oblasti privatizacije kroz davanje primjedbi, prijedloga na zahtjev obrađivača zakona kao i amandmansko predlaganje određenih zakonskih rješenja;
- Aktivno učešće u radu Međuresorne komisije za izmjene i dopune zakona podzakonskih akata iz oblasti privatizacije kao i drugih propisa koji su suport privatizacijskom procesu u Federaciji Bosne i Hercegovine;
- Davanje pravnih tumačenja u primjeni podzakonskih akata koje je donio Upravni odbor APF, te pravnih mišljenja i objašnjenja pojedinih odredaba propisa čiji su donosioci parlamenti BiH i FBiH, a obrađivači resorna ministarstva;
- Pružanje stručne pomoći ostalim organizacionim cjelinama APF-a u oblasti primjene propisa;
- Ostvarivanje nadzora nad primjenom propisa iz oblasti privatizacije;
- Vođenje upravnih postupaka u prvom stepenu donošenja rješenja;
- Priprema, obrada i zastupanje (po punomoći) APF u sudskim sporovima;
- Dostavljanje informacija na zahtjev Premijera Vlade FBiH, Ombudsmana FBiH kao i odgovora na poslanička pitanja iz nadležnosti APF u oblasti privatizacije;
- Redovno kontrolisanje zakonitosti donijetih sudskih rješenja o ostavini čiji su predmet ostavine potraživanja građana iskazana na JRG;
- Pružanju pravne pomoći u izradi nacrta ugovora o prodaji državnog kapitala, te drugih ugovora, sporazuma i protokola koje APF zaključuje u obavljanju osnovne djelatnosti;
- Izrada informacije – analize o praćenju i kontroli zakonitosti u privatizacijskom procesu u Federaciji Bosne i Hercegovine.

8.2. Obrazovanje i informiranje

- Koordinacija, priprema, tehnička obrada i štampa programa, izvještaja, biletena i ostalog printanog materijala prema potrebi APF-a;
- Izrada štampanog informativno/promotivnog materijala: Kreiranje nove brošure o osnovama privatizacije u FBiH s obzirom na nove metode koje su omogućile usvojene zakonske promjene; Inoviranje profila firme čija se privatizacija očekuje u 2007. godini;
- Odnosi s javnošću; Priprema press konferencija; Kontakti s medijima i odgovori na upit; Animiranje i edukacija novinara prema zahtjevima i potrebama APF-a; Priprema i plasiranje saopćenja za javnost i plaćenih obavijesti i informacija; Izrada media izvještaja (press kliping, medijski izvještaji pisanja dnevne štampe); Ostali odgovori na upite javnosti;
- Organizaciono-tehnička priprema potpisivanje ugovora i drugih protokolarnih aktivnosti APF-a;
- Interno informiranje; Koordinacija u plasiranju internih informacija, Priprema i provedba edukativnih aktivnosti prema interesu zaposlenih i potrebama APF-a;
- Obrada i unos podataka na web stranicu APF-a; Kreiranje informacija, javnih poziva i drugih sadržaja kojima se APF obraća javnostima;
- Organizacija prezentacija (koordinacija, tehnička priprema, grafička obrada), i drugih događaja u organizaciji APF;
- Seminari/Okrugli sto: Organizacija, koordinacija, priprema, grafička obrada, tehnička priprema ovih skupova kada je APF inicijator; Obrada materijala i priprema učesnika kada je APF gost na skupu;
- Saradnja s drugim institucijama i organizacijama; Razmjena informacija i promotivnih materijala; Realizacija saradnje sa zainteresiranim pojedincima, organima i organizacijama za proces privatizacije.

8.3. Informatika

- Održavanje lokalne računarske mreže u APF i podrška korisnicima;
- Evidentiranje računarske opreme;
- Održavanje komunikacije sa šalterima za obradu privatizacijskih transakcija u poštama;
- Održavanje računarskih stanica, instalacija aplikativnih modula i podrška operaterima koji rade na šalterima za obradu privatizacijskih transakcija u poštama;
- Interventno održavanje hardvera i softvera;
- Administriranje bazama podataka;
- Internet konekcija;
- Obrade i učitavanja (priprema i obrada Z1 obrazaca, priprema podataka dospjelih iz FMUP-a, FZ PIO/MIO, FMO, provjera podataka dospjelih iz institucija sa Direkcijom za privatizaciju i učitavanje tih podataka u sistem Registra potraživanja, obrada rješenja o nasljeđivanju kao i dostavljenje Federalnom ministarstvu finansija podataka o staroj deviznoj štednji koja je bila predmet ostavine); PTAC: Web hosting na QSS serveru, produženje licence za Symantec anti-virusni program i nabavka opreme.

8.4. Kontrola ugovora

Kao vrlo važan segment podrške procesu privatizacije, u 2007. godini planira se kontrola ugovornih obaveza za slijedeće predmete:

R.B.	PREDMETI KONTROLE	VRIJEME KONTROLE
1.	UPI Holding, Sarajevo	januar 2007. godine
2.	Konfekcija Borac, Travnik (Borac Zenica i Borac Banovići)	januar 2007. godine
3.	Velmos, Mostar	februar 2007. godine
4.	Interšped, Sarajevo	februar i juni 2007. godine
5.	BNT Tvornica mašina, Travnik	mart i oktobar 2007. godine
6.	Borac Uskoplje/Gornji Vakuf	april i decembar 2007. godine
7.	Borac Katarina, Jajce	juni i decembar 2007. godine
8.	Feroelektro, Sarajevo	januar i septembar 2007. godine
9.	Tvornica dalekovodnih stubova, Sarajevo	april i decembar 2007. godine
10.	Žica, Sarajevo	februar i decembar 2007. godine
11.	TKA Cazin (ug. br. 05-19-5687-2/03)	februar 2007. godine
12.	KTK Visoko (ug. br.05-19-4486/04)	mart i oktobar 2007. godine
13.	TKA Cazin (ug.br.05-19-1442/05)	april i novembar 2007. godine
14.	Željezare „Zenica“ (ug.br.05-19-2935/05)	juli 2007. godine
15.	IP Krivaja Zavidovići(ug.br.05-19-2887/05)	januar i juli 2007. godine
16.	IP Krivaja Zavidovići(ug.br.05-19-3206/05)	februar i decembar 2007. godine
17.	IP Krivaja Zavidovići (05-19-3083/05)	februar i decembar 2007. godine
18.	IP Krivaja Zavidovići(ug.br.05-19-3750/05)	januar i septembar 2007. godine
19.	IP Krivaja Zavidovići(ug.br.05-19-3743/05)	mart i oktobar 2007. godine
20.	KTKVisoko,Sarajevo(ug.br.05-19-5037/05)	maj 2007. godine

Pored navedenih rokova, moguće su dodatne (vanredne) kontrole ugovornih obaveza kao eventualne aktivnosti na ugovorima sa posebnim statusom u zavisnosti od postupanja državnih organa (Odluke Vlade FBiH, sudski postupci itd.): Večernje novine Sarajevo, Energoinvest Sarajevo i UNIS Holding Sarajevo. Također, planira se:

- Vršenje kontrole za ugovore koji će se zaključiti u 2007 godini;
- Saradnja sa kantonalnim agencijama za privatizaciju;
- Aktivnosti na ažuriranju zajedničkog registra zaključenih ugovora, raskinutih ugovora, izvršenja ugovorenih obaveza i pokrenutih sudskih postupaka zbog neizvršenja istih;
- Pokretanje postupaka za raskid ugovora (u zavisnosti od stepena izvršenja).

9. ZAJEDNIČKI POSLOVI

Praćenje primjene zakona i drugih propisa i općih akata iz oblasti privatizacije, sa posebnom pažnjom na:

- usklađivanje normativnih i drugih pravnih i administrativnih akata Agencije sa zakonskim propisima;
- učešće u pripremi općih i pojedinačnih akata vezanih za unutrašnju organizaciju APF i sistematizaciju poslova i radnih zadataka.

Usklađivanje unutrašnje organizacije APF sa postojećim zakonskim propisima i eventualno novim zakonima (Zakon o finansijskom restrukturiranju i Zakon o kontroli ugovora) i u vezi s tim:

- Aktivnosti na unapređivanju organizacije rada, racionalizaciji procesa rada i predlaganje optimalnijih rješenja za izvršavanje povjerenih poslova, posebno u segmentu koji se odnosi na pasivni podbilans i kontrolu ugovora;
- analiza iskorištenosti;
- preraspodjela poslova i radnih zadataka;
- kadrovsko osposobljavanje, daljnja konsolidacija i prijem novih uposlenika;
- angažovanje spoljnih saradnika.

Vođenje stručno-operativnih poslova finansijskog, materijalnog i knjigovodstva stalnih sredstava:

- poslovi planiranja i izvještavanja kroz pripremu periodičnih obračuna i završnog računa;
- poslovi nabavke roba, vršenja usluga i ustupanja radova i blagajnički poslovi;
- poslovi godišnjeg popisa sredstava, obračuna plaća i drugih naknada zaposlenika i članova Upravnog i Nadzornog odbora;

Priprema sjednica i materijala za Upravni i Nadzorni odbor:

- izrada zapisnika i priprema prijedloga odluka i zaključaka;
- korespondencija sa organima zakonodavne i izvršne vlasti FBiH;

Realiziranje Plana aktivnosti obrazovanja i stručnog usavršavanja zaposlenika kroz planiranje raznih oblika i vidova edukacije (seminari, savjetovanja, kursevi, tematski okrugli stolovi, specijalizacije i doškoloavanje):

Vođenje administrativno-tehničkih i drugih pomoćno-tehničkih poslova iz nadležnosti Agencije.

Broj:
Sarajevo,

Direktor

Rešad Žutić

PRILOG

OBRAZLOŽENJE PLANA PRIVATIZACIJSKIH AKTIVNOSTI ZA 2007. GODINU

“Energoinvest” d.d Sarajevo

Rješenjem o odobravanju Programa privatizacije i Početnog bilansa na dan 31.12.1999. godine utvrđen je ukupan kapital u iznosu od 239.320.306,08 KM sa slijedećom strukturom kapitala:

Državni kapital	226.793.400,00 KM	94,77 %
Privatni kapital	12.526.906,08 KM	5,23 %

Na osnovu ovog rješenja privatizovano je 27,77 % ukupnog kapitala ili 66.448.795,00 KM metodom javne ponude dionica.

Rješenjem APF-a o odobravanju korigovanog Programa privatizacije i Početnog bilansa utvrđena je struktura upisanog kapitala na dan 30.06.2006.godine:

Državni kapital	147.897.500,00 KM	67,00 %
Privatni kapital	72.823.525,00 KM	33,00 %
Ukupan kapital	220.721.025,00 KM	100,00000 %

Na osnovu ovog rješenja objavljen je javni poziv za prodaju 67,00 % kapitala. U skladu sa Odlukom Vlade FBiH, javni poziv za podnošenje ponuda produžen je do 05.03.2007. godine, odnosno cjelokupan proces privatizacije ovog preduzeća bit će okončan do 16.5.2007. godine.

„Hidrogradnja“ d.d Sarajevo

Rješenjem o odobravanju Početnog bilansa i Programa privatizacije utvrđena je slijedeća struktura kapitala iskazana u Aktivnom podbilansu na dan 31.12.1999. godine:

Državni kapital.....	49.353.103,40 KM ili 69,75%
Privatni kapital	21.403.611,01 KM ili 30,25%
Ukupan kapital.....	70.756.714,41 KM ili 100,00%

Metod prodaje državnog kapitala je bio javni upis dionica.

U obnovljenom postupku izmijenjen je metod prodaje i utvrđeno da će se prodaja državnog kapitala prodavati kombinovanom metodom i to:

- 67,00 % ukupnog kapitala ili 47.406.998,40 KM metodom tendera
- 2,75 % ukupnog kapitala ili 1.946.102,00 KM metodom javne ponude dionica.

Po uspješno okončanom javnom upisu dionica, preduzeću je izdato Rješenje o odobravanju upisa izvršene privatizacije u sudski registar.

Prvi javni poziv za nadmetanje putem međunarodnog otvorenog tendera objavljen je 22.11.2002. godine, ali je proglašen neuspješnim.

Dana 04.02.2003. godine radnici-dioničari GIK Hidrogradnja podnijeli su tužbu radi „utvrđivanja privatnog dioničkog kapitala i neosnovanog bogaćenja Vsp. 20.000.000,00 KM“ protiv FBiH-Agencije za privatizaciju u FBiH i Vlade FBiH, zastupane po zakonskom zastupniku Federalnom javnom pravobraniocu. Presudom

Općinskog suda u Sarajevu od 11.08. 2006. godine odbijen je tužbeni zahtjev. Tužitelj je 19.09.2006. godine uložio žalbu.

Zakonom o izmjenama i dopunama Zakona o privatizaciji preduzeća („Službene novine FBiH“ broj 28/04 od 26.05.2004. godine) o načinu, odnosno metodu, privatizacije odlučuje vlada nadležna za upravljanje državnim kapitalom, a postupak provodi nadležna agencija.

Od 08.08.2005. godine 02.08.2006. godine Agencija je bezuspješno vodila aktivnosti kod Vlade Federacije BiH i nadležnih ministarstava na donošenju odluke o metodu privatizacije.

U „Službenim novinama FBiH“ broj 42/06 od 02.08.2006. godine objavljen je Zakon o izmjenama i dopunama Zakona o privatizaciji preduzeća, po kom „O načinu privatizacije odlučuje i postupak privatizacije provodi nadležna agencija“.

Upravni odbor Agencije je na 7. sjednici održanoj 11.09.2006. godine, donio Odluku o prodaji državnog kapitala preduzeća Hidrogradnja metodom neposredne pogodbe.

Javni poziv je objavljen 13.10.2006. godine i u njemu je navedeno da je donešena presuda kojom se tužbeni zahtjev radnika dioničara odbija, te da su oni uložili žalbu i da postupak nije okončan.

Odlukom Vlade Federacije BiH broj: 744/2006 od 16.11.2006. godine, Agencija za privatizaciju u Federaciji BiH obavezuje se da vodi postupak privatizacije Hidrogradnje d.d Sarajevo na način da se procedura produži do donošenja Zakona o izmjenama i dopunama Zakona o privatizaciji preduzeća, kojim će se osnažiti uloga Vlade Federacije BiH u odlučivanju o modelu privatizacije, otpočinjanju procesa privatizacije i davanju saglasnosti na privatizacione ugovore, a najduže šest mjeseci od dana donošenja odluke.

Na osnovu navedene Odluke Vlade Federacije BiH, Pravilnika o postupku prodaje metodom neposredne pogodbe, direktor Agencije je odobrio produženje roka za podnošenje ponuda do 01.02.2007. godine. (Obavještenje je objavljeno 11.12.2006. godine).

„Aluminij“ d.d Mostar

Odlukom o izmjenama i dopunama odluke o objedinjenoj listi preduzeća iz nadležnosti APF-a iz („Sužbene novine FBiH“ broj 41/05) preduzeće Aluminij d.d Mostar u postupku privatizacije je prešlo u nadležnost ove Agencije.

Na osnovu člana 4. stav 4. Zakona o privatizaciji preduzeća i Polaznih osnova za Sporazum o rješavanju otvorenih pitanja između Vlade FBiH i Aluminij d.d. Mostar koje je usvojio Parlament Federacije BiH (Zaključak Predstavničkog doma Parlamenta Federacije BiH broj: 01-02-509/05 od 21.07.2005. godine i Zaključak Doma naroda Parlamenta Federacije BiH broj: 02-02-539/05 od 25.07.2005. godine), Vlada Federacije Bosne i Hercegovine i Aluminij d.d. Mostar su 08.11.2006. godine potpisali Sporazum o rješavanju međusobnih otvorenih pitanja.

Preduzeće je dostavilo Program privatizacije i Početni bilans na dan 31.12.2005. godine sa strukturom kapitala definisanom u navedenom Sporazumu:

Državni kapital	44%	75.145.862,00 KM
Nenomirani kapital opredijeljen za obeštećenje i uvezivanje radnog staža djelatnika/zaposlenika	44%	75.145.862,00 KM
Strani kapital	12%	20.494.327,00 KM
Ukupni kapital	100%	170.786.051,00KM

Prodaja državnog kapitala u iznosu od 75.145.862,00 KM ili 44% ukupnog kapitala preduzeća Aluminij d.d. Mostar vršit će se u skladu sa Sporazumom o rješavanju otvorenih pitanja između Vlade Federacije BiH i Aluminija d.d. Mostar od 08.11.2006. godine.

Prodaja državnog i nenomiraniog kapitala preduzeća Aluminij d.d. Mostar nominalne vrijednosti 150.291.724,00 ili 88% ukupnog kapitala, vršit će se istovremeno i pod jednakim uslovima u skladu sa Sporazumom o rješavanju otvorenih pitanja između Vlade Federacije BiH i Aluminija d.d. Mostar. Formirana je Komisija za prodaju 88% ukupnog kapitala, koja je počela sa radom i u toku je izrada tenderske dokumentacije.

„UNIS-udružena metalna industrija“ d.d Sarajevo

Agencija je odobrila Program privatizacije i Početni bilans ovog preduzeća na dan 31.12.1999. godine broj 01-02-4751/200 od 17.10.2000 godine i odobrila kapital u iznosu 51.101.601,00 KM. Navedenim Rješenjem, utvrđen je kombinovani metod privatizacije i to:

- 67,00 % ukupnog kapitala privatizovat će se putem tendera u velikoj privatizaciji
- prodaja udjela preduzeća Unis d.d. Sarajevo u preduzeću Volkswagen d.o.o. Sarajevo izvršit će se putem javnog prikupljanja ponuda (tender) u velikoj privatizaciji,
- 19,17% ukupnog kapitala privatizirat će se putem javne ponude dionica

Upravni odbor Agencije donio je Odluku o prodaji udjela preduzeća Unis d.d. Sarajevo u ukupnom kapitalu preduzeća Volkswagen Sarajevo d.o.o. metodom javnog prikupljanja ponuda (tender) u maloj privatizaciji broj 01-02-1393/2001. od 03.04.2001. godine. Agencije je objavila Javni poziv za prikupljanje zatvorenih ponuda za prodaju udjela. Nakon provedene procedure odabran je "Prevent Sarajevo" d.o.o. Visoko kao najpovoljniji ponuđač i sklopljen je ugovor 27.07.2001.godine.

Preduzeće Unis d.d Sarajevo dostavilo je korigovani Program privatizacije i Početni bilans na dan 31.12.2000. godine koji je odobren Rješenjem broj 01-03-4481/2001 od 05.10.2001. godine. Ovim Rješenjem odobren je kapital u iznosu od 52.042.505,00 KM.

U skladu sa navedenim Rješenjem provedena je javna ponuda dionica i privatizovano 19,418% ukupnog kapitala preduzeća, te je Agencija izdala Rješenje o odobrenju upisa izvršene privatizacije u sudski registar broj 01-03-1339/2002 od 21.03.2002. godine.

Preduzeće je dostavilo korigovani Program privatizacije i Početni bilans na dan 30.06.2005. godine koji je usvojen od strane Upravnog odbora APF-a i izdato je

Rješenje broj: 03-19-879/ 06 od 14.03.2006. godine. Ovim Rješenjem utvrđena je slijedeća struktura kapitala:

Državni kapital	32.413.734,00 KM	67,00 %
<u>Privatni kapital</u>	<u>15.963.649,00 KM</u>	<u>33,00%</u>
Ukupno	48.377.383,00 KM	100,00 %

Vlada FBiH je donijela Odluku o određivanju metoda privatizacije državnog kapitala preduzeća UNIS udružena metalna industrija d.d Sarajevo u skladu sa kojom je i objavljen tender za prodaju 67% osnovnog kapitala.

S obzirom da do roka za podnošenje ponuda (24.04.2006. godine) nije pristigla niti jedna ponuda, tender je proglašen neuspješnim.

„Fabrika duhana Mostar“ d.d. Mostar

Na osnovu Odluke o izmjenama i dopunama Odluke o objedinjenoj listi preduzeća iz nadležnosti Agencije za privatizaciju u Federaciji BiH Fabrika duhana Mostar je u postupku privatizacije prešla u nadležnost ove Agencije i preuzeta je od Kantonalne agencije za privatizaciju Hercegovačko-neretvanskog kantona u februaru 2005. godine.

Rješenjem Agencije za privatizaciju Hercegovačko-neretvanskog kantona o odobravanju Programa privatizacije i Početnog bilansa iz 2001. godine utvrđen je državni kapital preduzeća u iznosu od 17.625.577,00 KM (79,6186% ukupnog kapitala), sa stanjem na dan 30.06.2000. godine. Istim rješenjem odobrena je prodaja državnog kapitala kombinovanim metodom i to: 67% kapitala metodom tendera, a 12,6186% kapitala metodom javne ponude dionica, koja je i okončana.

Skupština društva Fabrike duhana Mostar d.d. je donijela Odluku o smanjenju vrijednosti osnovnog kapitala radi pokrića gubitka za 2000., 2001., 2002. godine. Komisija za vrijednosne papire u FBiH izdala je Rješenje o odobravanju smanjenja osnovnog kapitala tako da osnovni kapital nakon smanjenja iznosi 19.038.250,00 KM.

Rješenjem APF o odobravanju korigovanog Početnog bilansa i Programa privatizacije utvrđena je slijedeća struktura kapitala iskazana u Aktivnom početnom podbilansu na dan 31.12.2004. godine:

Državni kapital	12.755.628 KM ili 67,00 %
<u>Privatni kapital</u>	<u>6.282.622 KM ili 33,00 %</u>
Ukupno	19.038.250 KM ili 100,00%

U Rješenju je konstatovano da će Odluku o metodu prodaje državnog kapitala ovog preduzeća donijeti Vlada FBiH, jer je ovo strateško preduzeće (preduzeće iz člana 3. Zakona o privatizaciji preduzeća).

Vlada Federacije utvrdila je metod prodaje - neposredna pogodba. Javni poziv raspisan je 31.05.2005. godine. Agencija za privatizaciju u FBiH, kao prodavac, u skladu sa Pravilima neposredne pogodbe, otkazala je prodaju 16.08.2005. godine.

„Soda-so holding“ d.d. Tuzla

Agencija za privatizaciju kantona Tuzla je izdala rješenje o odobravanju Programa privatizacije i Početnog bilansa sa sljedećom strukturom kapitala:

Ukupan kapital preduzeća iznosi.....	20.064.646,00 KM
Vrijednost dioničkog kapitala fizičkih lica iznosi ..	2.683.986,00 KM (13,37669%)
Vrijednost dioničkog kapitala pravnih lica iznosi ...	1.094.742,00 KM (5,45608%)
Vrijednost državnog kapitala iznosi	16.285.918,00 KM (81,16723%)

Struktura dioničkog kapitala pravnih lica izgleda kako slijedi:

1. DD Rudnik soli “Tušanj” Tuzla.....	368.460,00 KM
2. DD Fabrika soli Tuzla.....	135.401,00 KM
3. DD Poliuretanska hemija, Tuzla.....	98.442,00 KM
4. DD Dita, Tuzla.....	455.592,00 KM
5. DD Polirond, Orašje.....	13.215,00 KM
6. DD Fabrika termoplasta “Progres”, Kladanj.....	8.624,00 KM
7. DD “Kartonaža”, Tojšići.....	7.504,00 KM
8. <u>DD IHI, Tuzla.....</u>	<u>7.504,00 KM</u>
U k u p n o	1.094.742,00 KM

Dioničko društvo Soda-so holding Tuzla je 06.09.2004. godine, podnijelo zahtjev Komisiji za vrijednosne papire Federacije BiH za odborenje smanjenja osnovnog kapitala po osnovu kumulativnog gubitka za 2000.g., 2001.g. i 2002. godinu.

Komisija za vrijednosne papire u Federaciji BiH odobrila je smanjenje osnovnog kapitala po osnovu kumuliranih gubitaka iz ranijih godina u iznosu od 11.236.176,00 KM, te osnovni kapital preduzeća Soda-so holding na dan 30.06.2006. godine iznosi 8.828.424,00 KM.

Agencija za privatizaciju u Federaciji je tražila od kompanija Soda-so holding d.d. Tuzla da pristupi izradi korigovanog Programa privatizacije i Početnog bilansa stanja, da isti usvoji na svojim organima uprave, te dostavi APF na dalje postupanje. Navedene aktivnosti su u toku.

Tvornica kartona i ambalaže „TKA“ d.o.o Cazin

Preduzeće Tvornica kartona i ambalaže „TKA“ d.o.o Cazin, bilo je u nadležnosti Agencije za privatizaciju Unsko-sanskog kantona Bihać, u periodu 1999.-2002. godine.

Na osnovu usvojenog Programa privatizacije i Početnog bilansa stanja, Agencija Unsko-sanskog kantona, provodila je privatizaciju putem prodaje imovine u maloj privatizaciji.

Donošenjem Odluke o objedinjenoj listi preduzeća iz nadležnosti Agencije za privatizaciju u Federaciji BiH, objavljene u „Službenim novinama FBiH“, broj 13/02, preduzeće „TKA“ d.o.o Cazin, prešlo je u nadležnost Agencije za privatizaciju u Federaciji BiH.

Rješenjem direktora Agencije za privatizaciju u Federaciji BiH broj: 05-19-4712/04 od 02.11.2004. godine, odobren je Program privatizacije i Početni bilans sa stanjem na dan 31.12.2003. godine. Istim Rješenjem utvrđen je kapital u iznosu od

6.824.466,00 KM (100% državni kapital) i odobren je kombinovani metod privatizacije, prodajom imovine i kapitala.

U skladu sa usvojenim programom privatizacije provedena je prodaja imovine preduzeća u postupku male privatizacije sa ciljem izmirenja preostalih obaveza preduzeća i rješavanja radno-pravnog statusa radnika, nakon čega se pristupilo fragmentiranoj prodaji imovine preduzeća u skladu sa članom 6. stav 1. tačka 2. Pravilnika o postupku prodaje imovine i dionica ili udjela preduzeća (prodavac Agencija).

S obzirom da su prodajom u maloj i velikoj privatizaciji nastupile značajne promjene u strukturi aktive i passive, bilo je potrebno izvršiti korekciju početnog bilansa stanja na dan 30.06.2006. godine i utvrditi stvarnu vrijednost kapitala.

Rješenjem direktora Agencije broj: 05-19-3660/06 od 23.11.2006. godine odobren je Početni bilans stanja Tvornica kartona i ambalaže „TKA“ d.o.o Cazin, sa slijedećom strukturom kapitala iskazanom u aktivnom podbilansu na dan 30.06.2006. godine:

- Državni kapital	4.904.878,00 KM
- <u>Privatni kapital</u>	<u>0,00 KM</u>
Ukupno	4.904.878,00 KM

Agencija za privatizaciju u Federaciji BiH, nastavit će postupak prodaje ostatka imovine u skladu sa usvojenim programom privatizacije koji je odobren Rješenjem direktora Agencije za privatizaciju u Federaciji BiH, broj: 05-19-4712/04 od 02.11.2004. godine, do septembra 2007. godine, a u oktobru 2007. godine, bit će pokrenut likvidacioni postupak.

„Šipad export-import“ d.d Sarajevo

Preduzeće Šipad export-import d.d Sarajevo dostavilo je Agenciji za privatizaciju u FBiH Program privatizacije i Početni bilans stanja na dan 31.12.1999. godine. Isti su odobreni Odlukom Upravnog odbora APF-a broj: 01-02-1173/2000 od 22.03.2000. godine, te je izdato Rješenje broj: 01-02-4787/2000 od 18.10.2000. godine. U početnom bilansu, između ostalih navedena je i nekretnina Luka Šibenik.

U 2003. godini preduzeće je pokrenulo inicijativu o prodaji Luke Šibenik u postupku male privatizacije. Nakon što se preduzeće obratilo ministarstvu, Federalno ministarstvo trgovine svojim dopisom broj 01-49-2028/03 od 21.10.2003. godine dalo je instrukcije da se iz aktivnog podbilansa isključi Luka Šibenik, jer navedeno preduzeće ne raspolaže imovinom u R. Hrvatskoj.

Kako menadžment i Upravni odbor preduzeća Šipad export import nisu postupili po nalogu resornog ministarstva, stručne službe Agencije smatraju da postoje razlozi za obnavljanje postupka odobravanja Programa privatizacije i Početnog bilansa na osnovu člana 246. Zakona o upravnom postupku („Službene novine FBiH“ broj 2/98 i 48/99) na bazi novih saznanja da navedena nekretnina nije u posjedu, odnosno nije pod kontrolom preduzeća.

Na bazi podataka pribavljenih u prijašnjem kao i obnovljenom postupku, a u skladu s članom 8. stav 1. tačka 1) Zakona o početnom bilansu stanja preduzeća i banaka i u skladu sa članom 18.k Uredbe o izmjenama i dopunama Uredbe o metodologiji za pripremu programa i izradu početnog bilansa preduzeća za privatizaciju, te na osnovu akta Vlade Federacije Bosne i Hercegovine broj 03-19-

1019/2004 od 12.10.2004. godine, vrijednost Luke Šibenik je isknjižena iz Aktivnog podbilansa na dan 31.12.1999. godine i za taj iznos umanjen je iznos kapitala srazmjerno učešću pojedinih oblika kapitala u ukupnom kapitalu. Upravni odbor Agencije donio je odluku o odobravanju Programa privatizacije i Početnog bilansa, te je izdato Rješenje o odobravanju Programa privatizacije i Početnog bilansa u obnovljenom postupku, broj 03-19-4841/04 od 16.11.2004. godine.

Nakon javne ponude dionica u kojoj je ponuđeno 12,48% ukupnog kapitala preduzeća Šipad export import Sarajevo struktura kapitala je slijedeća:

- Državni kapital	8.456.912,00	ili	67,00 %
-Privatni kapital	4.165.344,00	ili	33,00 %
Ukupno	12.622.256,00		100,00 %

Agencija je izdala Rješenje o odobrenju upisa izvršene privatizacije u sudski registar broj 03-19-845/05 od 28.02.2005. godine.

Oko Luke Šibenik pokrenut je sudski spor. U decembru 2005. godine sva raspoloživa dokumentacija vezano za preduzeće Šipad export import izuzeta je od strane SIPE po nalogu Tužilaštva Bosne i Hercegovine.

„Sarajevo-osiguranje“ d.d Sarajevo

Rješenjem od 05.06.2000. godine, odobren je Početni bilans i Program privatizacije i utvrđena slijedeća struktura kapitala iskazana u Aktivnom podbilansu na dan 31.12.1999. godine:

Državni kapital.....	41.301.479 KM	ili	89%
Privatni kapital	4.639.123 KM	ili	10,09809 %
Preventiva	233.189 KM		
<u>Tehničke rezerve</u>	<u>20.120.024 KM</u>		
Ukupan kapital.....	66.293.815 KM	ili	100,00000%

Rješenjem je utvrđeno da će se vrijednost državnog kapitala od 20.404.861 KM prodavati metodom javnog upisa dionica. Istim Rješenjem je utvrđeno da se u roku od tri godine ne vrši prodaja drugog dijela državnog kapitala u iznosu od 20.896.618 KM

U obnovljenom postupku odobren je Program privatizacije i Početni bilans Društva za osiguranje Sarajevo osiguranje d.d. Sarajevo, sa navedenom strukturom kapitala iskazanom u Rješenju na dan 31.12.1999. godine:

Istim Rješenjem o obnovljenom postupku je utvrđeno da će se prodaja državnog kapitala u iznosu 41.301.479,00 KM izvršiti kombinovanim metodom i to:

- 45,48616% ukupnog kapitala ili 20.896.618,00 KM metodom tendera, a
- 44,41575% ukupnog kapitala ili 20.404.861,00 KM metodom javne ponude dionica

U Prvom javnom pozivu za upis dionica uspješno je okončana prodaja dionica.

Prvi javni poziv za prodaju državnog kapitala metodom tendera objavljen je 15.08.2001. godine. Kako dogovor sa jedinim ponuđačem nije postignut, donešena je Odluka o proglašenju tendera neuspješnim.

Slijedeći javni poziv za prodaju državnog kapitala metodom neposredne pogodbe objavljen je 27.09.2002. godine. I ova prodaja je proglašena neuspješnom.

Novi javni poziv za prodaju metodom neposredne pogodbe objavljen je 07.05.2004. godine. Pregovori su vođeni sa šest ponuđača, a ponude prva tri ponuđača bile su:

- po osnovu cijene u rasponu od 9.600.000 KM do 10.500.000 KM
- po osnovu investicija od 14.600.000 KM do 15.500.000 KM

Neposredno pred održavanje posljednjih pregovora, kad su trebale biti date konačne ponude, dana 03.08.2004. godine proces je zaustavljen zbog prigovora jednog od ponuđača o validnosti učešća Zavarovalnice Triglav d.d Ljubljana i Croatia osiguranja d.d. Zagreb. Naime, u izmjenama i dopunama Zakona o privatizaciji preduzeća u članu 3. je navedeno da u privatizaciji ne mogu učestvovati preduzeća koja su i sama predmet privatizacije, bez pojašnjenja da li se to odnosi i na pravne lica izvan FBiH.

Vlada FBiH je na 109. sjednici održanoj 12.05.2005. godine, usvojila Informaciju o privatizaciji Društva Sarajevo osiguranje dostavljenu od strane Agencije i donijela Zaključak kojima se Agencija zadužuje da poništi objavljeni tender i uz preciziranje uvjeta i poštivanje pozitivnih zakonskih propisa raspiše novi tender za privatizaciju, u što kraćem roku. Svi ponuđači su 18.05.2005. godine obaviješteni o otkazivanju prodaje.

Objava novog javnog poziva za prodaju državnog kapitala bila je planirana u martu 2006. godine. Rok je prolongiran zbog aktivnosti Društva vezanih za dokapitalizaciju o čemu je Društvo obavijestilo Agenciju aktom od 14.02.2006. godine. Kako na Skupštini dioničara (dvije sjednice u toku godine) nisu usvojene odluke o smanjenju kapitala niti o dokapitalizaciji, Rebalansom plana je planirana objava prodaje državnog kapitala ovog društva.

U Zakonu o izmjenama i dopunama Zakona o privatizaciji preduzeća („Službene novine FBiH“, broj 42/06) u članu 4. stav 5. je navedeno:

„U preduzećima sa više od 50% privatnog kapitala, preostali državni kapital, dionice ili udjeli u tim preduzećima mogu se prodavati putem berze“.

Odluku o prodaji državnog kapitala putem berze donosi nadležna vlada na prijedlog nadležnog ministarstva, odnosno agencije.

Državni kapital Društva za osiguranje Sarajevo osiguranje iznosi 20.896.618,00 KM. Nominalna vrijednost jedne dionice (registracije izvršena 30.10.2003. godine u Registru vrijednosnih papira) je 12,5 KM, a prema kursnoj listi SASE na dan 28.11.2006. godine zvanični službeni kurs za prodaju dionica je bio 28,07 KM po dionici.

Dakle, vrijednost dionica je porasla za 124,56% ($28,07/12,50 \times 100 = 224,56$), tako da bi se moglo konstatovati da je sada vrijednost državnog kapitala po tom kursu cca 46,9 miliona KM. To bi bio značajan argument za prodaju državnog kapitala putem berze umjesto metodom neposredne pogodbe.

„Fabrika duhana Sarajevo“ d.d Sarajevo

Upravni odbor Kantonalne agencije za privatizaciju Sarajevo odobrio je Program privatizacije i Početni bilans sa stanjem na dan 30.06.2000. godine. Kantonalna agencija za privatizaciju Sarajevo izdala je Rješenje o odobravanju Programa privatizacije i Početnog bilansa kojim je utvrđena visina, struktura kapitala i metod prodaje državnog kapitala.

Visina i struktura kapitala:

Dionički kapital 62.346.147 KM ili 60,09%

Državni kapital 41.401.223 KM ili 39,91%

Ukupan kapital 103.747.370 KM

Kako se preduzeće već nalazilo na listi preduzeća koja će se privatizirati u saradnji sa Međunarodnom savjetodavnom grupom za privatizaciju, Upravni odbor Kantonalne agencije za privatizaciju Sarajevo odobrio je metod privatizacije - tender u velikoj privatizaciji.

Za pružanje tehničke podrške u privatizaciji određen je GTZ koji je u međuvremenu odustao.

Kantonalna agencija za privatizaciju Sarajevo izdala je Rješenje broj: 21-04/2-19-710-8 od 15.02.2001. godine o odobravanju upisa izvršene privatizacije (po osnovu ranije izvršene vlasničke transformacije).

Zaključkom Finansijske policije i rješenjem glavnog inspektora Finansijske policije, osporena je struktura kapitala, što je potvrdio i drugostepeni organ Federalno ministarstvo finansija. Po tužbi dioničara, Vrhovni sud je 08.05.2003. godine poništio rješenja prvostepenog i drugostepenog organa. Prema informacijama sa kojima raspolaže Agencija, do danas nije ponovo pokrenuta inicijativa za preispitivanje vlasničke strukture u Fabrici duhana Sarajevo.

U skladu sa sporazumom između Agencije za privatizaciju u Federaciji BiH i Kantonalne agencije Sarajevo od 27.01.2004. godine, Agencija za privatizaciju u Federaciji BiH je u aprilu 2004. godine preuzela privatizaciju Fabrike duhana Sarajevo.

Tokom 2005. godine donešena je Odluka o izmjenama i dopunama Odluke o objedinjenoj listi preduzeća iz nadležnosti Agencije za privatizaciju u Federaciji BiH po kojoj je Fabrika duhana Sarajevo u postupku privatizacije u nadležnosti ove Agencije.

Polazeći od potrebe da se privatizacija kao proces ubrza, izvjesnosti uspješne privatizacije kao i stepena pripremljenosti za privatizaciju FDS, Agencija za privatizaciju u Federaciji BiH planirala je objavu tendera do 15.10.2004. godine.

U skladu sa članom 2. Zakona o izmjenama i dopunama Zakona o privatizaciji preduzeća („Službene novine Federacije BiH“ broj 28, od 26.05.2004. godine), Agencija za privatizaciju u FBiH, 23.09.2004. godine zatražila je od Vlade FBiH donošenje odluke o metodu prodaje 39,91% kapitala Fabrike duhana Sarajevo. Na navedeni zahtjev, Vlada FBiH nije odgovorila.

Nakon što je Federalno ministarstvo energije, rudarstva i industrije uputilo akt u kojem obavještava Vladu FBiH, da ne može podržati provođenje postupka privatizacije Fabrike duhana Sarajevo, Agencija je obustavila aktivnosti vezane za provođenje postupka privatizacije ovog društva.

Trenutno se vode aktivnosti oko mogućnosti pripajanja Fabrike duhana Mostar Fabrici duhana Sarajevo. Paralelno sa ovim aktivnostima razmatra se i mogućnost prodaje dionica FDS-a putem berze.

„Interšped“ d.d Sarajevo

Rješenjem Agencije broj 01-03-5583/2001 od 29.01.2001. godine utvrđen je državni kapital u preduzeću Interšped d.d Sarajevo iznosu od 9.010.733,00 KM, te da će se prodaja izvršiti kombinovanim metodom i to:

- 51% ukupnog kapitala privatizuje putem javnog prikupljanja ponuda (tender),
- 9,21 % ukupnog kapitala putem javne ponude dionica i
- 16% ukupnog kapitala ostaje u državnom vlasništvu do konačnog utvrđivanja metoda prodaje ovog dijela kapitala.

Agencija je prodala 9,21% ukupnog kapitala preduzeća putem javne ponude dionica.

Javni poziv za prodaju 6.030.294,00 KM ili 51% ukupnog kapitala preduzeća putem tendera trajao je od 19.12.2001. godine do 19.03.2002. godine i isti je proglašen neuspjelim jer nije prispjela niti jedna ponuda.

Ponovna prodaja 51% kapitala preduzeća putem tendera objavljena je u 2004. godini i uspješno okončana, zaključivanjem ugovora sa Konzorcijem: VGT Visoko, Visoak Visoko i Remis Visoko.

Vlada FBiH je u 2002. godine donijela Odluku kojom se u privrednom društvu Interšped d.d Sarajevo, 16% kapitala izuzima od privatizacije, da bi u 2006. godini donijela Odluku o određivanju metoda privatizacije 1.891.857,00 KM ili 16% državnog kapitala putem berze. Stvoren je pravni okvir za provođenje prodaje putem berze, te su započete aktivnosti i u toku je procedura odabira najpovoljnijeg profesionalnog posrednika-brokerske kuće

“Bosnalijek” d.d Sarajevo

Preduzeće Bosnalijek d.d Sarajevo bilo je u nadležnosti Agencije za privatizaciju Kantona Sarajevo, a u nadležnost ove Agencije prešla Odlukom o izmjenama i dopunama Odluke o objedinjenoj listi preduzeća iz nadležnosti APF-a iz („Službene novine FBiH“ broj 41/05) a na osnovu izmjena Zakona o privatizaciji preduzeća.

Vlada Federacije Bosne i Hercegovine donijela je Odluku o dijelu državnog kapitala u privrednom društvu Bosnalijek d.d Sarajevo koji se izuzima od privatizacije. Na osnovu navedene odluke, neće se privatizirati državni kapital koji čini 30% ukupnog kapitala tog društva.

Zavisno od odluke Vlade FBiH moguća je prodaja preostalih dionica putem berze.

IP „Krivaja“ d.d Zavidovići

Upravni odbor Agencije za privatizaciju Zeničko-dobojskog kantona je na svojoj 60. sjednici održanoj 24.10.2003. godine, donio Rješenje o odobravanju Programa privatizacije i Početnog bilansa stanja preduzeća IP Krivaja d.d Zavidovići. Navedenim Rješenjem, utvrđuje se ukupna vrijednost kapitala preduzeća IP Krivaja d.d

Zavidovići na dan 30.06.2003. godine u iznosu od 254.575.892,00 KM i to 100% državni kapital.

Upravni odbor Agencije za privatizaciju u Federaciji BiH je na 48. sjednici od 22.06.2005. godine donio Odluku o usvajanju Programa privatizacije i Početnog bilansa stanja sa stanjem na dan 31.12.2004.godine i ukupnim državnim kapitalom od 226.959.400,00 KM.

Vlada Federacije BiH je 21.07.2005. godine donijela Odluku broj: 388/2005 o odobravanju metoda privatizacije državnog kapitala u IP Krivaja d.d Zavidovići.

Tender je objavljen 27.07.2005. godine sa rokom za prijavu od 70 dana (zaključno sa 04.10.2005. godine). U propisanom roku Komisija nije zaprimila ni jednu zvaničnu ponudu te je tenderska prodaja proglašena neuspješnom.

S obzirom na naprijed navedeno, za preduzeće IP Krivaja d.d Zavidovići treba pripremiti plan podjele preduzeća na tehnoekonomske cjeline u svrhu privatizacije, pripremiti programe privatizacije i početne bilanse tehnoekonomskih cjelina za koje je utvrđeno da je privatizacija uslovljena predhodnom podjelom preduzeća na samostalne tehnoekonomske cjeline, te provesti postupak prodaje tehnoekonomskih cjelina.

„Hepok“ d.d Mostar

Rješenjem o odobravanju Početnog bilansa i Programa privatizacije preduzeća „Hepok“ d.d utvrđen je iznos i struktura kapitala iskazanog u Aktivnom podbilansu na dan 31.12.1999. godine, kako slijedi:

- Državni kapital	15.051.709,00 KM	80,079 %
- Privatni kapital	3.744.365,00 KM	19,921 %
Ukupno:	18.796.074,00 KM	100,000 %

Za prodaju državnog kapitala određen je kombinovani metod i to:

- 67,000 % ukupnog kapitala ili 12.593.370,00 KM tenderom	
- <u>13,079 % ukupnog kapitala ili 2.458.339,00 KM javnom ponudom dionica.</u>	
Ukupno:	15.051.709,00 KM

U Prvom javnom pozivu za upis dionica u Federaciji Bosne i Hercegovine, okončanom 26.2.2001. godine izvršena je prodaja dijela državnog kapitala Hepok-a u iznosu od 2.458.339,00 KM, što čini 13,079 % ukupnog kapitala preduzeća, te je sada struktura kapitala: 33 % privatni kapital, 67 % državni kapital. Izdato je Rješenje o odobravanju upisa izvršene privatizacije u sudski registar.

Kako se preduzeće nalazilo na Listi 56 strateških firmi, u pripremi privatizacije je učestvovao GTZ, koji je angažovao međunarodne eksperte (International Consultanz in Agriculture & Agroindustries, Kronberg/Taubavi, Gosp. Peter L.P. Munzinger), tim povodom je sačinjen izvještaj sa preporukama, sa kojim je upoznat Upravni odbor APF-a, te je objavljen predkvalifikacioni tender (nije bilo interesa) i odobrena prodaja imovine.

Kompanija se nalazi u teškoj, gotovo bezizlaznoj situaciji. Nizak je nivo aktivnosti, radnici ne primaju plate, Poreska uprava je izdala nalog za prinudnu naplatu poreza. Potrebno je učiniti dodatne napore (koordinirane od strane Federalnog ministarstva poljoprivrede, vodoprivrede i šumarstva) za prevazilaženje ovakve situacije.

U datim uslovima, budući da nije pronađen investitora koji bi pokrenuo kompaniju, predstoji pokušaj restrukturiranja firme ili stečaj.

„KTK“ d.d Visoko

Rješenjem APF je odobren je Program privatizacije i Početni bilans preduzeća KTK Visoko d.o.o.-d.j.l Visoko, sa slijedećom strukturom kapitala iskazanom u Aktivnom početnom podbilansu na dan 31.12.1999. godine:

Državni kapital	103.979.419,00 KM ili 100,00 %
Privatni kapital	0,00 KM ili 0,00 %
Ukupno	103.979.419,00 KM ili 100,00%

Istim Rješenjem utvrđeno je da će se prodaja državnog kapitala izvršiti kombinovanim metodom i to:

- 67,0% ukupnog kapitala ili 69.629.266,93 KM metodom tendera, a
- 33,0% ukupnog kapitala ili 34.295.012,07 KM metodom javne ponude dionica.

U Prvom javnom pozivu za upis dionica uspješno je okončana prodaja dionica.

KTK Visoko je firma koja trenutno zapošljava 1310 radnika. Mada knjigovodstvena vrijednost kapitala iznosi 103.979.419 KM, od čega je oko 67% u državnom vlasništvu, on je realno znatno manji. Zbog niza objektivnih i subjektivnih uzroka, prije svega zbog nepovoljnog stanja na tržištu, ova firma posluje s gubitkom. Akumulirani gubitak, od usvajanja Početnog bilansa do kraja 2005. godine, iznosi 40.558.589 KM.

Zbog značaja i specifičnosti firme, pripreme za privatizacija i privatizacija se vršila uz tehničku pomoć u privatizaciji –Projekat PTAC, koji se finansira iz kredita Svjetske banke (kredit 3531 BOS). Vlada je dala saglasnost na zaključivanje ugovora sa Konsultantskom kućom IOS Partners IMC.

U prethodnom periodu vršena je prodaja imovine u maloj privatizaciji, ali je obustavljena zbog poreske blokade ukupne imovine firme na području Općine Visoko,

Pitanje osnovanosti poreske obaveze i hipoteke permanentno se pokušava riješiti, ali do sada bezuspješno. Isto tako, pokušavalo se riješiti svođenja hipoteke na dio imovine KTK koji nije u prioritetu za privatizaciju, a čime bi poreska obaveza bila pokrivena. Ni to se do sada nije riješilo.

Po donošenju „Odluke o određivanju metoda privatizacije državnog kapitala u preduzeću KTKd.d Visoko od strane Vlade FBiH, okončane su pripreme dokumenata za objavu javnog poziva.

Prvi javni poziv za prodaju državnog kapitala metodom tendera objavljen je 16.06.2006. godine, a rađen je u saradnji sa IOS-partners.

Tender je proglašen neuspješnim, jer nije bilo interesa, odnosno nije dostavljen niti jedna ponuda.

Donošenjem Uredbe o postupku pripreme i podjele preduzeća na tehnoeкономске cjeline u svrhu privatizacije („Službene novine FBiH“ broj 73/06) stekli su se uslovi za restrukturiranje firme i/ili prodaju u fragmentima (pojedinačnih tehničko-tehnoloških cjelina kao samostalnih subjekata).

“Željezara” d.o.o Zenica

Rješenjem o odobravanju korigovanog Početnog bilansa i Programa privatizacije utvrđena je slijedeća struktura kapitala iskazana u Aktivnom početnom podbilansu na dan 31.12.1999. godine:

Državni kapital	661.294.065 KM ili 100,00 %
<u>Privatni kapital</u>	<u>0 KM ili 0,00 %</u>
Ukupno	661.294.065 KM ili 100,00 %

Iz aktivnog podbilansa, do konačnog rješenja OHR-a po pitanju dvojno iskazane imovine, isključena je imovina i pripadajući iznos kapitala hotela „Zenit“ u Neumu, knjigovodstvene vrijednosti 42.995.605 KM, tako da ukupan kapital za prodaju iznosi 618.298.460 KM.

Utvrđeno je da će se prodaja državnog kapitala izvršiti kombinovanim metodom:

- 67,00% ukupnog kapitala ili 414.259.968 KM metodom tendera
- 33,00% ukupnog kapitala ili 204.038.492 KM metodom javnog upisa dionica.

Godišnje su se radili korigovani programi privatizacije i početni bilansi, a posljednjim Rješenjem o odobravanju korigovanog Programa privatizacije i Početnog bilansa, utvrđena je slijedeća struktura kapitala iskazana u Aktivnom podbilansu na dan 31.12.2005. godine:

Državni kapital	103.114.199 KM ili 100,00 %
<u>Privatni kapital</u>	<u>0 KM ili 0,00 %</u>
Ukupno	103.114.199 KM ili 100,00%

Metod prodaje nije utvrđen.

Razlika u kapitalu po početnom bilansu za 1999. godinu i za 2005. godinu od cca 515 miliona KM je rezultat isknjižavanja gubitaka iz redovnog poslovanja za period 2000-2005. godine (cca 360 mil.KM) i isknjižavanja udjela u BHSC (155 mil.KM).

„HT“ d.o.o Mostar

Agencija za privatizaciju u FBiH, radi prodaje dijela državnog kapitala metodom javne ponude dionica, izdala je Privremeno rješenje o odobravanju Programa privatizacije i Početnog bilansa stanja Hrvatskih pošta i telekomunikacija sa stanjem na dan 31.12.2001. godine. Uvjet za donošenje konačnog rješenja o odobravanju programa privatizacije i početnog bilansa je da preduzeće vrati udjele u Eronet-u d.o.o Mostar i Hercegovačkoj banci d.d Mostar u poslovne knjige i iste iskaže u početnom bilansu stanja.

Kako je udio u Eronetu, odlukom suda, vraćen Hrvatskom telekomu, a što je bio uvjet za odobravanje programa privatizacije i početnog bilansa Hrvatskog telekoma, te izdavanja rješenja o odobravanju upisa izvršene privatizacije, od preduzeća Hrvatske pošte i Hrvatski telekom zatraženo je da dostave program privatizacije i početni bilans sa stanjem na dan 31.12.2004. godine.

Odlukom Nadzornog odbora HT-a usvojen je Program privatizacije i Početni bilans sa stanjem na dan 31.12.2004. god, s tim da treba provjeriti fer vrijednosti ulaganja u Eronet-Pokretne komunikacije d.o.o Mostar, kako bi se mogao prikazati u početnom bilansu stanja ukupan kapital HT d.o.o Mostar sa kapitalom koji ima u Eronet-u.

HT Mostar nije dostavio korigovani početni bilans sa iskazanim kapitalom u Eronet-u, te Agencija nije mogla odobriti program privatizacije i početni bilans HT-a Mostar niti izdati rješenje o odobravanju upisa izvršene privatizacije. HT Mostar obavjestio je Agenciju o Odluci Nadzornog odbora o pripajanju Eronet-a HT-u Mostar.

Vlada Federacije BiH i HT-Hrvatske telekomunikacije d.d Zagreb su u cilju realizacije obaveza po GSM licenci dobivene od RAK-a BiH potpisali Sporazum o Javnom preduzeću HT d.o.o Mostar u skladu sa programom pripajanja HT Mobilne d.o.o HT-u d.o.o Mostar.

U tačkama 2. i 6. pomenutog Sporazuma se navodi:

„2. Polazeći od procjene nezavisnog revizora Deoitte, vlasnička struktura HT d.o.o Mostar nakon pripajanja HT Mobilnih biće kako slijedi: Vlada Federacije BiH 55,67% (nakon izdavanja rješenja o odobrenju upisa izvršene privatizacije, učešće Vlade Federacije BiH biće 50,103%, a učešće dioničara po javnom upisu dionica biće 5,567%), HT Zagreb 39,10% i HP Zagreb 5,23%. HT d.o.o. Mostar ostati će društvo sa ograničenom odgovornošću, te se HT-u Zagreb potvrđuje postojeće pravo prvokupa udjela u slučaju bilo kakvog prijenosa ili prodaje udjela u HT d.o.o Mostar prema Zakonu o privrednim društvima slijedom ranijih ugovora i sporazuma te u skladu sa propisima o stranim ulaganjima. Kvorum za Skupštinu te većina potrebna za donošenje svih odluka na Skupštini HT d.o.o. Mostar biće 2/3 od ukupnog osnovnog kapitala.“

„6. HT Zagreb i HT d.o.o Mostar potpisat će ugovor o strateškoj saradnji kojim će se predvidjeti prenošenje know-how-a na HT d.o.o Mostar iz tehničkog, finansijskog, marketinškog, prodajnog, kadrovske i drugih segmenata na svaku od poslovnih jedinica te kojima će utvrditi proces koordiniranja i utvrđivanja poslovnih ciljeva svake od poslovnih jedinica i HT d.o.o Mostar kao cjeline te proces i sadržaj izvještavanja.”

„BH Telecom“ d.d Sarajevo

Rješenjem broj 01-03-3256/2001 od 20.07.2001. godine preduzeću JP PTT Saobraćaja BiH Sarajevo odobren je Početni bilans i Program privatizacije sa stanjem na dan 31.12.2000. godine. Na osnovu Odluke Vlada Federacije BiH o transformaciji Javnog preduzeća PTT Saobraćaja BiH Sarajevo i HPT d.o.o Mostar, ovo preduzeće je transformisano na dva pravna subjekta BH Telecom Sarajevo i BH Pošte Sarajevo.

Rješenjem APF-a odobren je Program privatizacije i Početni bilans stanja BH Telecoma na dan 31.12.2001. godine i odobren kapital u iznosu 634.604.203,00 KM .

Na osnovu ovog rješenja putem javne ponude dionica privatizovano je 10% ili 63.460.420,00 KM, a putem tendera će se privatizovati 67% ili 425.184.816,00 KM, dok u državnom vlasništvu ostaje 23% ili 145.958.967,00 KM.

U cilju pripreme za privatizaciju telekom operatora Federacije BiH urađena je Politika privatizacije sektora telekomunikacija u Federaciji BiH koju je Vlada FBiH razmatrala na 162. sjednici održanoj 27.7.2006. godine i istu usvojila.

„Vitezit“ d.d.Vitez

Na osnovu Odluke Vlade FBiH o metodama, rokovima i nadležnoj agenciji za privatizaciju preduzeća iz oblasti elektroprivrede, prometa i veza (osim cestovnog prijevoza), vodoprivrede, eksploatacije ruda i šuma, javnog informisanja, igara na sreću i industrije naoružanja i vojne opreme („Službene novine FBiH“ broj 11/98, 37/00 i 49/01) ova Agencija je nadležna za privatizaciju Poslovnog sustava Vitezit d.o.o Vitez.

Program privatizacije i početni bilans PS Vitezit Vitez nije usvojen zbog nedefinisanog stanja i odnosa sa firmama čiji je osnivač ili suosnivač PS Vitezit. APF je zahtijevala reviziju svih društva u kojima je PS Vitezit suosnivač.

sim toga, prije nego što se pristupi izradi početnog bilansa PS Vitezit potrebno je uraditi reviziju finansijskih izvještaja “kćerki”, kako bi se mogla uraditi revizija finansijskih izvještaja, odnosno poslovanja PS Vitezit. Nakon urađene revizije i usvajanja od strane upravnog odbora i mišljenja nadležnog ministarstva (kojim prihvata rezultate revizije), može se pristupiti izradi početnog bilansa.

Sljedeći problem je uknjižba nekretnina kako PS Vitezit, tako i “kćerki”, naročito onih gdje je kapital PS Vitezit većinski. Naime, prema usmenim informacijama od predstavnika PS Vitezit, sve nekretnine su uknjižene na PS Vitezit, iako dio njih predstavlja osnivački ulog u firme “kćerke”.

Agencija se obraćala ODRAZ-u i zatražila angažovanje stručnog tima za izradu programa privatizacije i početnog bilansa, koji bi bio plaćen iz sredstava PTAC-a. Međutim, nije bilo rezultata budući da Vitezit pripada namjenskoj industriji.

“AIR BOSNA” d.d Sarajevo

Rješenjem APF odobren je Program privatizacije i Početni bilans JP AIR BOSNA p.o Sarajevo. Utvrđen je državni kapital u iznosu 3.297.706 KM, koji će se prodavati u postupku javne ponude dionica.

U Rješenju iz 2001. godine, kojim se obnavlja postupak odobravanja Programa privatizacije i Početnog bilansa, utvrđena je slijedeća struktura kapitala iskazana u aktivnom početnom podbilansu na dan 31.12.1999. godine:

Državni kapital	3.297.706 KM ili 53,7706 %
Privatni kapital (trajni ulog)	2.835.208 KM ili 46,22938 %
Ukupno	6.132.914 KM ili 100,00%

Istim Rješenjem je utvrđeno da će se prodaja državnog kapitala izvršiti metodom javnog prikupljanja ponuda (tender) u velikoj privatizaciji.

Od tada nije bilo značajnih aktivnosti. Preduzeće nije dostavljalo ažurirane početne bilanse, komunikacije su bile vrlo male. Na dopise upućene preduzeću i nadležnom ministarstvu, nije bilo odgovora.

U novembru 2006. godine AIR BOSNA, odnosno BH AIRLANES (nova registracija koja nam nije dostavljena) su inicirali aktivnosti oko dokapitalizacije, za koje se pretpostavlja da su u toku.

Veterinarske stanice

Na osnovu Odluke Vlade Federacije BiH, broj: 715/06 od 16.11.2006. godine, utvrđeno je da će privatizaciju preduzeća veterinarske djelatnosti vršiti kantonalne agencije za privatizaciju, prema registru koji će formirati Agencija za privatizaciju u Federaciji BiH.

U međuvremenu je Ekonomski institut iz Sarajeva uradio strategiju i pravila privatizacije veterinarskih stanica u Federaciji BiH a koja će poslužiti u daljnjim aktivnostima pripreme i prodaje državnog kapitala veterinarskih stanica u Federaciji BiH.

Elektronski mediji

Proces privatizacija u Bosni i Hercegovini obuhvata elektronske medije - lokalne radio i TV stanice, kojim je Regulatorna agencija za komunikacije (RAK) dodijelila trajnu ili dugoročnu dozvolu za rad. RAK djelatnost elektronskih medija utvrđuje: pravilima, kodeksima i dozvolama. Ukupan broj elektronskih medija koji podliježu privatizaciji u Federaciji BiH je 24.

Ured visokog predstavnika – OHR, po pitanju privatizacije elektronskih medija u Bosni i Hercegovini, smatra da se mora osigurati izbalansiran pristup procesu privatizacije koja ima direktan uticaj na sektor emitovanja i potrebe običnih građana.

Privatizacija elektronskih medija morala bi osigurati da isti dostignu svjetske atraktivne standarde u smislu: tehničkog unapređenja postojećeg stanja, nezavisnosti i nepristrasnosti u informisanju, da odgovaraju zahtjevnosti programskog sadržaja i time postanu potpora i konstanta pozitivnog razvoja lokalne i šire društvene zajednice u Federaciji BiH.

Demokratski sistemi koriste moć medija i njihovu ulogu kao osnov samog sistema.

Komunalna preduzeća

Na osnovu Odluke Vlade Federacije BiH, broj: 715/06 od 16.11.2006. godine, utvrđeno je da će privatizaciju preduzeća komunalne djelatnosti vršiti kantonalne agencije za privatizaciju, prema registru koji će formirati Agencija za privatizaciju u Federaciji BiH.

HUTP „Salus Hotel Stella“ d.o.o Neum

Odlukom o objedinjenoj listi preduzeća iz nadležnosti Agencije za privatizaciju („Službene novine Federacije BiH“ br. 13/02) nadležnost za privatizaciju preduzeća HUTP Salus Hotel Stella d.o.o Neum, prenesena je na Agenciju.

Priprema za privatizaciju ovog preduzeća provodi se po odredbama Pravilnika o principima, načinu postupanja i pravilima prodaje u provođenju privatizacije preduzeća sa spornim pravima, stvarima, obavezama i kapitalom („Službene novine Federacije BiH“ broj: 22/04).

Agencija je donijela Zaključak broj: 05-19-795/05 od 24.02.2005. godine, na osnovu kojeg je provela proceduru javnog poziva i izvršila odabir ovlaštene revizorske kuće, čiji je zadatak bio da izvrši reviziju za period osnivanja preduzeća HUTP Salus Hotel Stella doo Neum zaključno sa 31.12.2004. godine, sa pravnog finansijskog i računovodstvenog aspekta, uključujući i statusne promjene i dodatna ulaganja.

Nakon provedene procedure odabrana je revizorska kuća, koja je izvršila reviziju za period osnivanja preduzeća HUTP Salus Hotel Stella d.o.o Neum zaključno sa 31.12.2004.godine, sa pravnog finansijskog i računovodstvenog aspekta, uključujući i statusne promjene i dodatna ulaganja.

Neovisno mišljenje revizije vlasničke strukture dostavljeno je preduzeću HUTP Salus Hotel Stella d.o.o Neum, koje je poslužilo kao osnov za izradu programa privatizacije i početnog bilansa stanja.

Preduzeće je postupilo u skladu sa naprijed navedenim i 29.08.2006. godine dostavilo Program privatizacije i Početni bilans stanja.

Rješenjem Agencije od 27.09.2006. godine odobren je Početni bilans stanja HUTP Salus Hotel Stella d.o.o Neum, sa sljedećom strukturom kapitala iskazanom u Aktivnom podbilansu na dan 31.12.2005. godine:

- Državni kapital	4.128.653,00 KM ili 62,43%
- <u>Privatni kapital</u>	<u>2.484.225,00 KM ili 37,57 %</u>
- Ukupno	6.612.878,00 KM ili 100%

Agencija će voditi aktivnosti u saradnji sa resornim ministarstvom na ubrzanju rješavanja sudskog spora koji se vodi na Općinskom sudu u Čapljini po tužbi „Polihem“ u stečaju kojim traži povrat nad objektom „Stella“. Aktivnosti će biti vođene i na skidanju hipoteke Union banke dd Sarajevo na imovini preduzeća. Planirana je objava javnog poziva u novembru 2007. godine.

Hotelsko turističko preduzeće „Sunčana obala“ d.o.o Neum.

Rješenjem Višeg suda u Mostaru od 23.12.1997. godine osnovano je Hotelsko turističko preduzeće Sunčana obala d.o.o Neum.

Odlukom o objedinjenoj listi preduzeća iz nadležnosti Agencije za privatizaciju u Federaciji BiH („Službene novine Federacije BiH“ br. 13/02) nadležnost za privatizaciju preduzeća HTP Sunčana Obala d.o.o Neum, prenesena je na Agenciju za privatizaciju u Federaciji BiH.

Ekonomsko istraživački biro „Luković“ d.o.o Livno, izdao je Rješenje broj:UP-I-02-5/2002 od 15.02.2002. godine, o rezultatima prethodno izvršene vlasničke transformacije kod UTP Sunčana obala Neum.

Na pomenuto Rješenje Agencija za privatizaciju u Federaciji BiH, aktom 01-04-1982703 od 15.04.2003. godine, uputila je žalbu Federalnom ministarstvu finansija putem Ekonomsko istraživačkog biroa „Luković“ d.o.o Livno.

Do danas, na pomenutu žalbu Agencija nije dobila odgovor od resornog ministarstva, a prema našim saznanjima revizorska kuća „Luković“, izgubila je licencu za rad.

Imajući u vidu naprijed navedeno, potrebno je da Agencija u skladu sa pozitivnim zakonskim propisima donese zaključak kojim će pozicionirati „spornu imovinu“ u UTP Sunčana obala d.o.o Neum, naložiti reviziju vlasničke strukture sa

pravnog finansijskog i računovodstvenog aspekta, za period od osnivanja preduzeća zaključno sa 31.12.2005. godine, uključujući statusne promjene i dodatna ulaganja.

Agencija će provesti proceduru javnog objavljivanja poziva za odabir najpovoljnijeg revizora i snositi troškove revizije vlasničke strukture.

Navedena revizija vlasničke strukture bila bi dostavljena preduzeću HTP Sunčana obala d.o.o Neum, koja bi poslužila kao osnov za izradu programa privatizacije i početnog bilansa stanja, nakon čega bi bila utvrđena konačna struktura kapitala i pripremljeno preduzeće za privatizaciju.

Objava javnog poziva za prodaju državnog kapitala planirana je za novembar 2007. godine.

HTP "Zenit BRO" d.o.o Neum

U skladu sa Pravilnikom o principima, načinu postupanja i pravilima prodaje u provođenju privatizacije preduzeća sa spornim pravima, stvarima, obavezama i kapitalom („Službene novine Federacije BiH“ br. 22/04) donesen je Zaključak o pozicioniranju „sporne imovine“ u HTP Zenit BRO d.o.o Neum kojim se nalaže revizija.

U saradnji sa Fondacijom za održivi razvoj „OdRaz“ pripremljen je i definiran programski okvir za provođenje aktivnosti na odabiru revizora, provedena procedura izbora revizora u HTP Zenit BRO d.o.o Neum.

Shodno dogovoru između Željezare Zenica d.o.o Zenica i Agencije, dio novčanih sredstava ostvarenih prodajom HTP Zenit BRO d.o.o Neum, pripao bi Željezari Zenica d.o.o. Zenica.

Izveštaj o provedenom postupku za izbor najpovoljnijeg revizora, Agencija za privatizaciju u Federaciji BiH, dostavila je Vladi Federacije BiH i zatražila saglasnost na zaključivanje Ugovora sa izabranim revizorom KPMG B-H d.o.o Sarajevo.

Zaključkom broj: 03-05-551/2006 od 15.05.2006. godine, Vlada Federacije BiH usvojila je Izveštaj o provedenom postupku izbora najpovoljnije firme za vršenje revizije vlasničke transformacije u preduzeću HTP Zenit BRO d.o.o Neum, uz uslov da se sačeka okončanje sudskog spora koji se vodi pred Općinskim sudom u Čapljini.

Istim Zaključkom Vlada Federacije BiH zadužila je Federalno ministarstvo energije, rudarstva i industrije u čijem je resoru Željezara Zenica d.o.o Zenica, da pomogne u ubrzanju okončanja sudskog spora.

Agencija će u saradnji sa resornim ministarstvom voditi aktivnosti na ubrzanju okončanja sudskog spora.

„Aida“ d.d Tuzla

Agencija za privatizaciju u Federaciji Bosne i Hercegovine, je u skladu sa članom 3. Sporazuma o uspostavi obaveza i odgovornosti u postupku privatizacije strateških preduzeća u Federaciji Bosne i Hercegovine, u pogledu prijenosa nadležnosti sa Kantonalne agencije za privatizaciju u Tuzli na Agenciju za privatizaciju u Federaciji Bosne i Hercegovine, a na osnovu Zapisnika o primopredaji broj: 01-07-1459/2004, od 29.03.2004. godine, preuzela je dokumentaciju koja se odnosi na privatizaciju preuzeća „Aida“ d.d. Tuzla.

Napominjemo da je Upravni odbor Kantonalne agencije za privatizaciju u Tuzlanskom kantonu, na sjednici od 24.09.2001. godine, donio Odluku o odobravanju korigovanog Početnog bilansa stanja preduzeća na dan 30.06.2001.godine za preduzeće „Aida“ d.d. Tuzla. Na temelju gore navedene Odluke, direktor Kantonalne agencije za privatizaciju u Tuzlanskom kantonu donio je Rješenje o odobravanju korigovanog Početnog bilansa preduzeća Aida d.d Tuzla na dan 30.06.2001.godine sa sljedećom strukturom kapitala: 1,18593% je privatno, a 98,81407% je državno vlasništvo. Državni kapital u iznosu od 98,81407%, podliježe procesu privatizacije u narednom periodu.

Naglašavamo da je kompanija Aida d.d. Tuzla, 31.12.2005.godine imala ukupne obaveze u iznosu od 31.504.515,00 KM, od toga tekuće obaveze u iznosu od 30.013.921,00 KM, odnosno obaveze za poreze u iznosu od 17.761.104,00 KM i obaveze prema ostalim povjeriocima (dobavljačima) u iznosu od 8.384.312,00 KM. Ukratko kompanija Aida d.d Tuzla je sa 31.12.2005. godine imala gubitak iznad visine kapitala u iznosu od 9.531.398,00 KM.

Prema informacijama s kojima raspolažemo, u toku su aktivnosti vezane za pokušaj izrade diobenog bilansa i formiranje tri nove tehnološke cjeline tj. izrada diobenog bilansa za tri pravna subjekta. U zavisnosti od dostignutog stepena realizacije navedene inicijative zavise i dalje aktivnosti ove Agencije.